

四庫全書

史部

欽定四庫全書

西漢年紀卷十五

宋 王益之 撰

武帝

元鼎元年

考異曰通鑑考異云武紀此年云得鼎汾水上按封禪書樂大封樂通侯之歲其六月汾

陰巫錦為民祠魏肅后土營旁得鼎武紀四年六月得鼎后土祠旁侯表四年四月乙巳樂大封侯然則得鼎應在四年蓋本紀因今年改元而誤增此得鼎一事耳非兩曾得鼎於汾水上也封禪書云天子已封泰山反至甘泉有司言寶鼎出為元鼎以今年為元封元年然則元鼎年號亦如建元元光皆後來追改耳通鑑元年不書得鼎

事今從之

夏五月赦天下

本紀

是歲蓋侯王信為太常

百官

表初王太后親田蚡而疏蓋侯衛皇后冒母姓天下化

之皆愛母黨而不愛父族同母異父兄弟則相穆同父

異母即如路人上又以太后故愛修成君

皇太后微時為金玉孫生

女在民間帝賜湯沐邑號修成君

賞賜過於長公主兒寬諫曰夫禽獸

知母而不知父至於匈奴亦然此悖亂之道也皇后外

家比有此事天下化之陛下又隨而效之臣懼風俗大

壞傷絕天理弗起而救之臣恐四夷有輕中國之心願

陛下察之上廼下詔曰禮異父昆弟無服異母昆弟暮

何者本末異明所愛者一也今或為異父昆弟功菴而弗為同父昆弟服疏其所親親其所疏豈天地之性聖人制禮之意哉自今有不為異母昆弟服者坐之

漢武故事

二年冬十一月御史大夫張湯有罪自殺

本紀

始長史朱

買臣與嚴助俱侍中貴用事湯尚為小吏趨走買臣等前後湯以廷尉治淮南獄排陷嚴助買臣怨湯王朝齊人以術至右內史邊通學短長剛暴人也官至濟南相故皆居湯右已而失官守長史詘體於湯湯數行丞相

事知此三長史素貴常陵折之故三長史合謀曰始湯約與君謝已而賣君今欲劾君以宗廟事此欲代君耳吾知湯陰事使吏捕案湯左田信等及它姦事事辭頗聞上以湯懷詐面欺使使八輩簿責湯湯具自道無此不服於是上使趙禹責湯禹至讓湯曰君何不知分也君所治夷滅者幾何人矣今人言君皆有狀天子重致君獄欲令君自為計何多以對為湯乃為書謝曰湯無尺寸之功起刀筆吏陛下幸致位三公無以塞責然謀

陷湯者三長史也遂自殺湯死家產不過五百金皆所

得奉

扶用反

賜無它嬴昆弟諸子欲厚葬湯湯母曰湯為

天子大臣被惡言而死何厚葬為載以牛車有棺而無
槨上聞之曰非此毋不生此子乃盡按誅三長史十二

月壬辰丞相青翟自殺

考異曰百官表青翟自殺以爲二月按青翟之事與湯相連不

應湯死在十一月而青翟乃遲至二月也故漢書本紀
作十二月而荀紀亦然當是百官表誤今從本紀荀紀
壬辰二字從通鑑按張湯傳叙湯得罪之由甚悉此
本刪去湯與魯謁居為奸論殺李文事未免遺漏又刪
去盜發孝文園瘞錢湯約與莊青翟俱謝出田信上惜
事三長史合謀以下亦無緣起疑有脫文

湯復稍進湯子安世

朱買臣
張湯傳

安世寬仁與湯行異

荀紀

太史公酷吏傳贊曰自郅都杜周十人者此皆以
酷烈為聲然郅都伉直引是非爭天下大體張湯
以知陰陽人主與俱上下時數辯當否國家賴其
便趙禹時據法守正杜周從諛以少言為重自張
湯死後網密多詆嚴官事寔以耗廢九卿碌碌奉
其官救過不贍何暇論繩墨之外乎然此十人中
其廉者足以為儀表其污者足以為戒方畧教導

禁姦止邪一切亦皆彬彬質有其文焉雖慘酷斯
稱其位矣至若蜀守馮當暴挫廣漢李貞擅磔人
東郡彌僕鋸項天水駱壁推減河東褚廣妄殺京
兆無忌馮翊殷周蝮鷲水衡閭奉抃擊賣請何足
數哉

是時越欲與漢用船戰遂乃大修昆明池列館環之治
樓船高十餘丈旗幟加其上甚壯

食貨志

三月辛亥以太

子少傅高陵侯趙周為丞相太子太傅石慶為御史大

夫

百官表大事記 考異曰百官表趙周相作二月辛亥石慶御史大夫三月辛亥同是辛亥不應分兩月

也按長歷是年三月丙申朔而三月無辛亥當是趙周石慶之拜同一日也百官表傳寫之差遂以三月為二月耳荀紀亦作三月又百官表趙周亦作太子太傅不應同時有兩太傅也按初立太子選可為傅者即以石慶為太子太傅以莊青翟為太子少傅後青翟作相故以趙周補其闕耳非太傅也今改作少字

是歲

孔僅為大農令而桑宏羊為大農中丞筦諸會計事稍

稍置均輸以通貨物矣始令民得入穀補官郎至六百

石

百官表 平準書

初置水衡都尉

百官表

時大農筦鹽鐵官布多

置水衡欲以主鹽鐵及楊可告緡錢上林財物眾乃令

水衡主上林苑

平準書

有五丞屬官有上林均輸御羞禁

圃輯濯鍾官技巧六厩辯銅九官令丞

百官表初御羞上林衡官及鑄

錢皆屬少府

郡國多姦鑄錢錢多輕而公卿請令京師鑄鍾

官赤側一當五賦官用非赤側不得行白金稍賤民不

寶用縣官以令禁之無益白金終廢不行

平準書

中郎將

張騫為大行令

百官表

初天子數問騫大夏之屬騫既失

侯因曰臣居匈奴中聞烏孫王號昆莫昆莫父難兜靡

本與大月氏俱在祁連敦煌間小國也大月氏攻殺難

兜靡奪其地人民亡走匈奴子昆莫新生傅父布就翎

與翕同侯抱亡置草中為求食還見狼乳之又烏銜肉翔

其旁以為神遂持歸匈奴單于愛養之及壯以其父民

眾與昆莫使將兵數有功時月氏已為匈奴所破西擊

塞先得反王塞王南走遠徙月氏居其地昆莫既健自請

單于報父怨遂西攻破大月氏大月氏復西走徙大夏

地昆莫畧其眾因留居兵稍彊會單于死不肯復朝事

匈奴匈奴遣兵擊之不勝益以為神而遠于萬反之今單

于新困於漢而昆莫地空蠻夷戀故地又貪漢物誠以
此時厚賂烏孫招以東居故地漢遣公主為夫人結昆
弟其勢宜聽則是斷匈奴右臂也既連烏孫自其西大
夏之屬皆可招來而為外臣天子以為然拜騫為中郎
將遣之旁國還拜為大行令

張騫傳

三年冬徙函谷關于新安

考異曰應劭謂時樓船將軍楊僕數有大功恥為關外民

上書乞徙東關以家財給其用度按楊僕以代南越方為樓船將軍猶在二年之後燕是時僕亦未有大功也

今不取

十一月令民告緡者以其半與之

本紀考異曰此漢書本紀所

書也通鑑書於元狩四年至元鼎三年之令則以為重
出削而不取呂氏解題曰元狩四年之令固曰有能告
者以其半畀之此見食貨志楊可告緡義縱捕其為可
使者當時雖有畀半之賞而告者猶少故可遣使督之
今年復中舊令以促之也此說為是今從之

時楊可告緡徧天下中家以上
大抵皆遇告杜周治之獄少反者乃分遣御史廷尉正
監分曹往即治郡國緡錢得民財物以億計奴婢以千
萬數田大縣數百頃小縣百餘頃宅亦如之於是商賈
中家以上大率破民偷甘食好衣不事蓄藏之產業而
縣官以鹽鐵緡錢之故用益饒矣益廣闕置左右輔乃

分緡錢諸官而水衡少府大農太僕各置農官往往即
郡縣比沒入田田之其沒入奴婢分諸苑養狗馬禽獸
及與諸官諸官益新置多徙奴婢衆而下河漕度四百
萬石及官自糴乃足所忠言世家子弟富人或鬪雞走
狗馬弋獵博戲亂齊民乃徵諸犯令相引數千人命曰
株送徒入財者得補郎郎選衰矣

平準書

三月水冰

五行志

夏四月常山憲王舜薨舜景帝少子驕淫數犯禁上常
寬之及薨子敖嗣為王數月坐憲王病時不嘗藥侍疾

及居喪無禮廢徙房陵國除月餘天子為最親詔有司

曰常山憲王早夭后妻不和適音嫡孽誣爭陷於不誼以

滅國朕甚閔焉其封憲王子平三萬戶為真定王子商

三萬戶為泗水王

本紀通鑑景十三王傳考異曰本紀書於明年今從本傳與子平為真

定王同封書於三年中尉王溫舒為廷尉關都尉東郡尹齊為中

尉百官表

初齊以刀筆吏稍遷至御史事張湯湯數稱以

為廉帝使督盜賊斬伐不避貴執遷關都尉聲甚於甯

成上以為能拜為中尉吏民益凋敝輕齊木強少文豪

惡吏伏匿而善吏不能為治故事多廢

酷吏傳

赤側錢賤

民巧法用之不便又廢

考異曰通鑑載於二年呂氏考平準書張湯死後二歲赤側錢

廢遂書於四年二者不同及按百官表太常周師居生不收赤側收行錢論書於元鼎三年如此則赤側之廢

在三年無疑當是平準書二歲字誤今從百官表書於三年諸郡國所前鑄錢皆廢

銷之輸其銅入官

平準書

太常周師居坐不收赤側收行

錢論

百官表

四年冬十月行幸雍祠五時

本紀

上曰今上帝朕親郊而

后土無祀則禮不答也有司與太史令談祠官寬舒議

天地牲角蠶粟令陛下親祠后土后土宜於澤中園丘

為五壇壇一黃犢太牢具已祠盡瘞而從祠衣上黃於

是天子遂自夏陽馮翊之縣東幸汾陰封禪書本紀汾陰男子公

孫滂普郎反洋等見汾旁有光如絳上遂立后土祠於汾

陰睢上鄧祀志春二月中山靖王勝薨子昌嗣紀表樂成侯

丁義上書言樂大膠東宮人故嘗與文成將軍同師

已而為膠東王尚方而樂成侯姊為康王后無子康王

死他姬子立為王而康后有淫行與王不相中竹仲反相

危以法康后聞文成已死而欲自媚於上乃遣藥大入

因藥成侯求見言方

考異曰通鑑考異云漢書郊祀志作藥成侯登按史記漢書功臣表

當為丁義今從之

天子既誅文成後悔其蚤死惜其方不盡及

見藥大大說使驗小方鬪旗旗自相觸擊

考異曰通鑑考異云封禪

書郊祀志皆作鬪暴獨史記考武紀作鬪旗按漢武故事云大嘗於殿前樹旂數百枝大令旂自相擊然則作旗字者是也今從之乃拜大為五利將軍居月餘得四印佩天士

將軍地士將軍大通將軍印夏四月乙巳制詔御史昔

禹疏九江決四瀆間者河溢臯陸隄繇不息朕臨天下

二十有八年天若遺朕士而大通焉乾稱蜚龍鴻漸于
般朕意庶幾與焉其以二千戶封地士將軍大為樂通
侯賜列侯甲第僮千人乘輿斥車馬帷帳器物以充其
家又以衛長公主妻之齎金十萬斤更名其邑曰當利
公主於是五利常夜祠其家欲以下神其後裝治行東
入海求其師云六月汾陰巫錦為民祠魏雎后土營旁
見地如鉤狀梧蒲溝反視得鼎鼎大八尺一寸高三尺六
寸殊異於衆鼎文鏤無款識武志反怪之言吏吏告河東

太守勝勝以聞天子使驗問巫得鼎無姦詐迺以禮祠

迎鼎至甘泉從上

時掌反

行薦之至中

讀日中

山晏溫有黃

雲焉有鹿過上自射之因以祭云至長安公卿皆議尊

寶鼎天子曰間者河溢歲數不登故巡祭后土祈為百

姓育穀今穀噉未報鼎曷為出哉有司皆言聞昔泰帝

興神鼎一一者一統天地萬物所繫象也黃帝作寶鼎

三象天地人禹收九牧之金鑄九鼎象九州皆常騶亨

普庚反

上帝鬼神遭聖則興夏德衰鼎遷于殷殷德衰鼎

遷于周周德衰鼎遷于秦秦德衰宗之社亡鼎迺淪伏而
不見今鼎至甘泉以光潤龍變承休無疆合茲中山有
黃白雲降蓋若獸為符路弓乘矢集獲壇下報祠大亨
唯受命而帝者心知其意而合德焉鼎宜視宗禰廟藏
於帝庭以合明應制曰可郊祀志秋馬生渥洼於佳水
紀本先是南陽新野有暴利長遭刑屯田燉煌界數於
此水旁見羣野馬中有奇異者與凡馬來飲水利長先
作土人持勒鞞於水旁後馬玩習久之代土人持勒鞞

收得其馬獻之欲神異此馬云從水中出

李斐注

於是作

寶鼎天馬之歌

本紀

考異曰史記樂書云帝嘗得神馬於渥洼水中次以為歌中尉汲黯進

曰凡王者作樂上以承祖宗下以化兆民今陛下得馬次以為歌協於宗廟先帝百姓豈能知其音邪上默然不說丞相公孫宏曰黯誹謗聖制當族今以史考之其事皆不合公孫宏以元狩二年薨汲黯以元狩三年免右內史皆在得馬之前又黯未嘗為中尉必是樂書差誤今不取 中尉尹齊坐法抵罪

復徙廷尉王溫舒為中尉以故少府趙禹為廷尉中大

夫兒寬為左內史

百官表

溫舒為人少文居宅惛惛

音昏不

辯至於中尉則心開素習關中俗知豪惡吏豪惡吏盡

復為用吏苛察淫惡少年投鉅

音項

購告言姦置伯落長

以收司姦溫舒多譖善事有勢者即無勢視之如奴有

執家雖有姦如山弗犯無執雖貴戚必侵辱舞文巧請

下戶之猾以動大豪其治中尉如此姦猾窮治大抵盡

靡爛獄中行論無出者其爪牙吏虎而冠於是中尉部

中中猾以下皆伏

溫舒傳

上

時掌反

雍且郊或曰五帝泰一

之佐也宜立泰一而上親郊之上疑未定齊人公孫卿

曰今年得寶鼎其冬辛巳朔旦冬至與黃帝時等卿有

札書曰黃帝得寶鼎冕候問於鬼史區鬼史區對曰黃
帝得寶鼎神策是歲己酉朔旦冬至得天之紀終而復
始於是黃帝迎日推策後率二十歲復朔旦冬至凡二
十推三百八十年黃帝僊登於天卿因所忠欲奏之所
忠視其書不經疑其妄言謝曰寶鼎事已決矣尚何以
為卿因嬖人奏之上大說廼召問卿對曰受此書申公
申公已死上曰申公何人也卿曰齊人與安期生通受
黃帝言無書獨有此鼎書曰漢興復當黃帝之時曰漢

之聖者在高祖之孫且魯孫也寶鼎出而與神通封禪
封禪七十二王唯黃帝得上泰山封申公曰漢帝亦當
上封禪封禪則能僊登天矣黃帝萬諸侯而神靈之封
君七千天下名山八而三在蠻夷五在中國華山首山
太室山泰山東萊山此五山黃帝之所常遊與神會黃
帝且戰且學僊患百姓非其道廼斷斬非鬼神者百餘
歲然後得與神通黃帝郊雍上帝宿三月鬼史區號大
鴻死塋雍故鴻冢是也其後黃帝接萬靈明庭明庭者

甘泉也所謂寒門者谷口也黃帝鑄鼎於荆山下鼎既成有龍垂胡簠下迎黃帝上騎龍乃去餘小臣不得上乃悉持龍簠龍簠拔墮墮黃帝之弓百姓仰望黃帝既上天乃抱其弓與龍簠號故後世因名其處曰鼎湖其弓曰烏號於是上曰嗟乎誠得如黃帝吾視去妻子如

脫屣耳乃拜卿為郎

郊祀志

五年冬十月行幸雍祠五畤

本紀

令民得畜牧邊縣官假

馬毋三歲而歸及息什一以除告緡用克伐新秦中

平準

書上幸甘泉令祠官寬舒等具泰一祠壇祠壇放毫忌

泰一壇三陔

音該

五帝壇環居其下各如其方黃帝西南

除八通鬼道泰一所用如雍一時物而加醴棗脯之屬

殺一羴

音鯢

牛以為俎豆牢具而五帝獨有俎豆醴進其

下四方地為服

與綴同

食

讀曰飮

羣神從者及北斗云已祠

昨餘皆燎之十一月辛巳朔旦冬至昧爽天子始郊拜

泰一朝朝日夕夕月則揖而見泰一如雍郊禮其贊饗

曰天始以寶鼎神策授皇帝朔而又朔終而復始皇帝

敬拜見焉而衣上黃其祠列火滿壇壇旁烹炊具有司
云祠上有光公卿言皇帝始郊見泰一雲陽有司奉瑄
玉嘉牲薦饗是夜有美光及晝黃氣上屬天太史令談
祠官寬舒等曰神靈之休祐福兆祥宜因此地光域立
泰畤壇以明應令大祝領秋及臘間祠三歲天子一郊
見從之鄧祀志上既立后土泰一祠公卿白議封禪事而
郡國皆豫治道修繕故宮及當馳道縣縣治宮儲共居用
反具而望幸食貨志春三月壬午天子聞南越反曰韓千

秋雖無成功亦軍鋒之冠封其子延年為成安侯膠樂

其姊為王太后首願屬漢封其子廣德為龍亢侯考異曰通鑑

考異云漢書表作龍侯南越傳作龍侯晉灼曰龍古龍字史記建元以來侯者表及南越傳皆作龍亢侯今

從之按此僅言千秋廣德之封而千秋擊南越及南越太后謀歸漢事皆不載疑屬脫文秋遣伏

波將軍路博德出桂陽下湟水樓船將軍楊僕出豫章

下湟水歸義越侯嚴為戈船將軍出零陵下離水甲為

下瀨將軍下蒼梧皆將罪人江淮以南樓船十萬人越

馳義侯遺別將巴蜀罪人發夜郎兵下牂柯江咸會番

禹本紀按原本脫遣伏波將軍以下至此今從本紀補入齊相卜式上書曰臣聞

主媿臣死羣臣宜盡死節其駕下者宜出財以佐軍如是則強國不犯之道也臣願與子男及臨菑習弩博昌習船者請行死之以盡臣節上賢之下詔曰朕聞報德以德報怨以直今天下不幸有事郡縣諸侯未有奮繇直道者也齊相雅行躬耕隨牧蓄蕃輒分昆弟更造不為利惑日者北邊有興上書助官往年西河歲惡率齊人入粟今又首奮雖未戰可謂義形於內矣其賜式爵

關內侯黃金四十斤田十頃九月辛巳丞相趙周坐知

列侯耐金輕下獄自殺

本紀南粵卜式傳平準書百官表通鑑考異曰百官表載於

五年荀悅漢紀載於四年按周死坐知列侯耐金輕而侯表書列侯坐受耐金者皆作元鼎五年則知荀紀所

載為誤今從百官表

按食貨志賜式田十頃下有布

告天下天下莫應列侯以百數皆莫求從軍至飲耐少

府省金而列侯坐耐金免者百餘人

數語此本不載文義未明疑有脫誤丙申制詔御史

石君先帝尊之子孫至孝其以御史大夫石慶為丞相

百官表萬石君傳

為伐南越告禱泰一以牡荆畫幡日月北斗

登龍以象泰一三星為泰一鋒旗命曰靈旗為兵禱則

太史奉以指所伐國

志 郊祀

初匈奴冒頓兵强威震百蠻

臣服諸羌景帝時研種留何率種人求守隴西塞於是徙留何等於狄道安故至臨洮氏道羌道縣及帝征伐四夷開地廣境北卻匈奴西逐諸羌乃度河湟築令居塞初開河西通至玉門隔絕羌胡使南北不得交關於是障塞亭燧出長城外數千里時先零羌與封養牢姐種解仇結盟與匈奴通合兵十餘萬共攻令居安故遂

圍枹罕

後漢西羌傳

六年冬十月朝會不置酒

楊僕傳

遣將軍李息郎中令徐

自為擊西羌平之

按原本脫遣將軍以下十六字今補入

始置護羌校尉

持節統領焉羌乃去湟中依西海鹽池左右漢遂因山

為塞河西地空稍徙人以實之

後漢西羌傳

樓船將軍楊僕

將精卒先陷尋隄破石門待伏波將軍伏波將軍路博

德將罪人千餘人遂俱進攻敗越人縱火燒城遣使招

降者賜印綬復縱令相招犁旦城中皆降伏波呂嘉建

德已夜亡入海以船西去伏波因問所得降者貴人以

知呂嘉所之遣人追之以其故校尉司馬蘓宏得建德

南越郎都稽得嘉

南越傳作孫都南

考異曰史記漢書表皆云都稽今從傳

上

行東將幸緱氏

工侯反

至左邑桐鄉聞南越破以為聞喜

縣春至汲新中鄉得呂嘉首以為獲嘉縣本上既滅南

越嬖臣中山李延年以好音見上善之

郊祀志考異曰郊祀志云既

滅南越延年以好音見上善之下公卿議郊祀立樂是延年之見當在此時今從郊祀志書於滅南越之後至於立樂府等事悉附見焉又延年傳及禮樂志云延年為協律都尉多舉司馬相如等數十人造為詩賦按漢注云相如既卒五歲始祠后土祭后土在元鼎五年則元狩六年相如已死豈得尚至此時乎今易以文士數

十人

女弟得幸於上號李夫人延年善歌為新變聲是

時上方興天地諸祠欲造樂

延年傳

下公卿議曰民間祠

尚有鼓舞樂今郊祀而無樂豈稱乎公卿曰古者祀天

地皆有樂而神祇可得而禮或曰大帝使素女鼓五十

絃瑟悲帝禁不止故破其瑟為二十五絃

郊祀志

於是立

樂府采詩夜誦有趙代秦楚之謳以延年為協律都尉

多舉文士數十人造為詩賦延年輒承意絃歌所造詩

為之新聲曲以合八音之調作十九章之歌

禮樂志延年傳

自

是塞南越禱祠泰一后土始用樂舞益召歌兒作二十

五絃及空侯

應劭云武帝令樂人侯調始造此器

瑟自此起

封禪書

初南越

反上使馳義侯發南夷兵且

子余反

蘭君恐遠行旁國虜

其老弱乃與其衆反殺使者及犍為太守漢廼發巴蜀

罪人當擊南粵者八校尉擊之會越已破八校尉不下

中郎將郭昌衛廣引兵還行誅隔滇道者且蘭斬首數

萬遂平南夷為牂柯郡

考異曰本紀書曰馳義侯遺兵未及下上便令征西南夷平之

定西南夷以為武都牂柯越雋沈黎文山郡考西南夷傳乃云馳義侯因犍為發南夷兵擊越且蘭君恐遠行

乃反殺使者及捷為太守漢乃發巴蜀罪人當擊南越者八校尉擊之會越已破漢八校尉不下中郎將郭昌衛廣引兵還誅之遂平南夷為牂柯郡又云使王然于以誅南夷兵威風諭滇王入朝觀此則所置郡者南夷非西夷也平南夷者郭昌衛廣非馳義侯也本紀誤矣呂氏解題曰今年所滅邛都笮都之屬南夷也元封二年所滅勞深靡莫滇王之屬西夷也合而言之總謂之西南夷沈黎郡文山郡地理志不載輿地廣記云漢武帝置郡既而罷之夜郎侯始倚南越南越已滅還誅反者夜郎

遂入朝上以為夜郎王南越破後及漢誅且蘭邛君并

殺笮侯冉駹皆震恐請臣置吏以邛都為越雋郡笮都

為沈黎郡冉駹為文山郡廣漢西白馬為武都郡

西南夷傳

廼分武威酒泉地置張掖敦

徒門反

煌郡徙民以實之

本紀

考異曰漢書本紀元鼎六年載分武威酒泉地置張掖敦煌郡而平準書謂置張掖酒泉郡則酒泉已置于元狩二年矣當是平準書誤又地理志以張掖酒泉郡為太初元年開武威為太初四年開敦煌後元元年分酒泉置與紀不同今從本紀而上郡朔方西河河西開田官斥塞卒

六十萬人戍田之中國繕道餽糧遠者二千里近者千餘里皆仰給大農邊兵不足乃發武庫工官兵器以贍之車騎馬乏絕縣官錢少買馬難得乃著令令封君以下至三百石以上吏以差出牝馬天下亭亭有畜牝馬

歲課息

平準書

自鄭國渠起至是百三十六歲而左內史

兒寬奏請穿鑿六輔渠以益溉鄭國傍高卬之田上曰

農天下之本也泉流灌寢

古浸字

所以育五穀也左右內

史地名山川原甚衆細民未知其利故為通溝瀆畜陂

澤所以備旱也今內史稻田租挈

苦計反

重不與郡同

願曰

租課收田租之約令也

其議減令吏民勉農盡地利平繇行水勿

使失時

溝洫志

欽定四庫全書

史部
西漢年紀卷十六

詳校官編修_臣謝振定

侍讀_臣孫球覆勘

膳錄貢生_臣沈燾

膳錄監生_臣范翔集

欽定四庫全書

西漢年紀卷十六

宋 王益之 撰

武帝

元封元年冬十月上議曰古者先振兵釋旅然後封禪

乃遂北巡朔方勒兵十餘萬還祭黃帝冢橋山釋兵須

如考異曰須如漢書作涼如今從史記上曰吾聞黃帝不死今有冢何也

公孫卿曰黃帝已僊上天羣臣思慕葬其衣冠考異曰史記漢

書並云或對惟漢武故事云公孫卿對今取之上歎曰吾後升天羣臣亦當葬

吾衣冠於東陵乎既至甘泉為且用事泰山先類祠太

一本紀封禪書遣匈奴將軍趙破奴擊姑師王恢數為

樓蘭所苦上令恢佐破奴將兵破奴與輕騎七百餘先

至虜樓蘭王遂破姑師

考異曰通鑑載於三年蓋取信侯表按表所言亦自不一趙破

奴則以為元封三年封至王恢則又以為四年封獨張竊傳載此事於破奴將屬國騎及郡兵數萬擊胡之次年又趙破奴本傳亦云破奴坐酎金失侯後一歲為匈奴將軍攻胡至匈奴水無功後一歲擊樓蘭王後為浞野侯按紀表酎金事在元鼎五年將屬國騎出匈奴在元鼎六年如此則虜樓蘭王在元封元年信矣今從張竊趙破

奴傳

因暴兵威以困烏孫大宛之屬還封破奴為浞

野侯恢為浩侯於是列亭障至玉門矣樓蘭既降服貢獻匈奴聞發兵擊之於是樓蘭遣一子質匈奴一子質

漢

西域傳

王溫舒擊東越還議有不中意坐以法免

溫舒傳

封禪儀既成將用事上以御史大夫卜式不習文章貶秩為太子太傅以左內史兒寬代之

卜式兒寬傳百官表

初梁相

褚大通五經為博士時寬為弟子及御史大夫缺徵褚大大自以為得御史大夫至洛陽聞兒寬為之褚大笑及至與寬議封禪於上前大不能及退而服曰上誠知

人寬為御史大夫以稱意任職故久無所匡諫於上官

屬易之

兒寬傳

以大農丞桑宏羊為治粟都尉領大農盡

代孔僅筦天下鹽鐵宏羊以諸官各自市相與爭物故騰躍而天下賦輸或不償其僦費乃請置大農部丞數十人分部主郡國各往往縣置均輸鹽鐵官令遠方各以其物如異時商賈所轉販者為賦而相灌輸置平準於京師都受天下委輸名工官治車諸器皆仰給大農大農之諸官盡籠天下之貨物貴即賣之賤則買之如

此富商大賈無所牟大利則反本而萬物不得騰踊故

抑天下物名曰平準天子以為然許之

平準書

以御史中

丞咸宣為左內史閭奉為水衡都尉

百官表

宣初為御史

及丞使治主父偃及淮南反獄所以微文深詆殺者甚

衆稱為敢決疑數起為御史及中丞者幾二十歲及為

左內史其治米鹽事小大皆關其手自部署縣名曹寶

物官吏令丞弗得擅搖痛以重法繩之居官數年壹切

為小治辯

咸宣傳

春正月行幸緱氏

考異曰封禪書郊祀志作三月漢書武紀

荀紀皆作正月今從之

禮登中岳太室從官在山下聞若有言萬

歲云問上上不言問下下不言夏四月還至奉高禮祠

地主於梁父乙卯令侍中儒者皮弁薦紳射牛行事封

太山下東方

考異曰漢書本紀作癸卯封禪書郊祀志作乙卯二者不同按志又云明日下陰道

丙辰禪泰山下趾東北肅然山觀丙辰為明日則知為乙卯明矣本紀恐誤司馬公謂武帝以癸卯還以乙卯至泰山行事恐或然亦未可知也如郊祠泰一之禮有司言寶鼎出為

元鼎以今年為元封元年

封禪書

天子北至朔方東到太

山巡海上並北邊以歸所過賞賜用帛百餘萬匹錢金

以巨萬計皆取足大農桑宏羊又請令吏得入粟補官
及罪人贖罪令民入粟甘泉各有差以復終身不告緡
他郡國各輸急處而諸農各致粟山東漕益歲六百萬
石一歲之中太倉甘泉倉滿邊餘穀諸物均輸帛五百
萬匹民不益賦而天下用饒於是宏羊賜爵左庶長黃
金再百斤焉

平準書

二年冬十月行幸雍祠五時

本紀

還拜祝祠太一贊饗曰

德星昭衍厥維休祥壽星仍出淵耀光明信星昭見皇

帝敬拜太祝之享

封禪書

自河決瓠子後二十餘歲歲因

以數不登而梁楚之地尤甚天子既封禪巡祭山川至

是旱乾

音干

封少雨天子乃使汲仁郭昌發卒數萬人塞

瓠子決河於是天子已用事萬里沙還自臨決河湛白

馬玉壁於河令羣臣從官自將軍已下皆負薪實決河

是時東郡燒草以故薪柴少而下淇園之竹以為棧

其偃

反天子既臨決河悼功之不成乃作歌曰瓠子決兮將

奈何浩浩洋洋兮慮殫為河殫為河兮地不得寧功無

已時兮吾山平吾山平方鉅野溢魚沸鬱兮柏冬日正
道弛兮離常流蛟龍騁兮放遠遊歸舊川兮神哉沛不
封禪兮安知外皇謂河公兮何不仁泛濫不止兮愁吾
人齧桑浮兮淮泗滿久不返兮水維緩一曰河湯湯音傷
兮激潺湲北度回兮迅流難蹇長茨兮湛讀曰沈美玉河

公許兮薪不屬薪不屬兮衛人罪燒蕭條兮噫乎何以
御水隕林竹兮捷石菑宣房塞兮萬福來於是卒塞瓠
子築宮其上名曰宣房而道河北行二渠復禹舊迹而

梁楚之地復寧無水災

河渠書
溝洫志

太史公曰余南登廬山觀禹疏九江遂至於會稽
太湟上姑蘇望五湖東闕洛汭大邳迎河行淮泗
濟漯洛渠西瞻蜀之岷山及離碓北自龍門至於
朔方曰甚哉水之為利害也余從負薪塞宣房悲
瓠子之詩而作河渠書

上還長安

通鑑

粵人勇之言粵人俗鬼而其祠皆見鬼數

有效昔東甌王敬鬼壽百六十歲後世怠嫚故衰耗迺

命粵巫立粵祝祠安臺無壇亦祠天神帝百鬼而以雞

卜上信之粵祠雞卜自此始用

郊祀志

六月詔曰甘泉宮

內中產芝九莖連葉上帝博臨不異下房賜朕鴻休其

赦天下賜雲陽都百戶牛酒

本紀

初天子封太山太山東

北趾古時有明堂處處險不敞上欲治明堂奉高旁未

曉其制度濟南人公玉帶上黃帝時明堂圖明堂圖中

有一殿四面無壁以茅蓋通水圜宮垣為複道上有樓

從西南入命曰昆侖天子從之入以拜祠上帝焉秋上

令奉高作明堂汶上如帶圖

封禪書
木紀

是歲以御史中丞

杜周為廷尉

百官表

周少言重遲而內深次骨為廷尉其

治大抵放

甫往反

張湯而善候伺上所欲擠者因而陷之

上所欲釋久繫待問而微見其寃狀容有謂周曰君為
天下決平不循三尺法專以人主意指為獄獄者固如
是乎周曰三尺安出哉前主所是著為律後主所是疏
為令當時為是何古之法乎會獄吏因責如章告劾不
服以掠笞定之於是聞有逮證皆亡匿獄久者至更數

赦十餘歲而相告言大氏盡詆以不道以上廷尉杜周傳

先是帝置中都官獄三十六所各令長治補志至是中都

官詔獄逮至六七萬人杜周傳

三年冬十二月漢兵入朝鮮境朝鮮王右渠發兵距險樓船將軍楊僕將齊兵七千人先至樓船兵敗走遁山中十餘日稍求收散卒復聚左將軍荀彘擊朝鮮浞水西軍急擊之朝鮮大臣廼陰使人私約降樓船往來言尚未肯決左將軍數與樓船期戰樓船欲就其約不會

兩將不相得以故久不決天子使故濟南太守公孫遂

往正之

考異曰史記作征之蓋字誤今從漢書

有便宜得以從事遂以節

召樓船將軍入左將軍軍計事即令左將軍戲

與麾下同

下

執縛樓船將軍并其軍以報天子誅遂

考異曰漢書作許遂史記作誅

遂又太史公贊曰荀彘爭勞與遂皆誅如此則誅字為是漢書蓋誤今從史記

左將軍已并兩

軍即急擊朝鮮朝鮮相路人相韓陰

考異曰漢書作韓陶今從史記

尼

谿相參將軍王啖

音類

相與謀曰始欲降樓船樓船令執

獨左將軍并將戰益急恐不能與王又不肯降陰啖路

人皆亡降漢路人道死夏尼谿相參廼使人殺朝鮮王
右渠來降王險城未下故右渠之大臣成已又反覆攻
吏左將軍使右渠子長降相路人子最告諭其民誅成

已故遂定朝鮮為真番臨屯樂浪元菟四郡

朝鮮傳按本紀元

封二年遣樓船將軍楊僕左將軍荀彘將應募罪人擊
朝鮮又朝鮮傳云漢使涉何譙諭右渠終不肯奉詔此
本書漢兵入朝鮮境及定朝鮮於此處而二
年不載遣楊僕荀彘及涉何事疑有脫文

班固曰三方之開皆自好事之臣故西南夷發於
唐蒙司馬相如兩粵起嚴助朱買臣朝鮮由涉何

遭世富盛動能成功然已勤矣

夏旱公孫卿曰黃帝時封則天旱乾封三年上乃下詔

曰天旱意乾封乎其令天下尊祠靈星焉

封禪書異曰通鑑載

于二年按邾祀志云夏有芝生甘泉殿房內中其明年夏旱公孫卿曰云云明年上郊雍通回中道按紀產芝事在二年通回中道在四年以此推之公孫卿之言在元封三年明矣今書于三年秋七月膠西

王端薨無子國除

本紀荀紀荀紀作瑞今從漢書考異曰端

四年夏關東流民二百萬口無名數者四十萬公卿議

欲請徙流民于邊以適

讀曰

之上以丞相慶老謹不能

與其議乃賜丞相告歸而案御史大夫以下議為請者
慶慚不任職上書曰臣幸得待罪丞相疲駑無以輔治
城郭倉廩空虛民多流亡罪當伏斧質上不忍致法願
歸丞相侯印乞骸骨歸避賢者路上報曰間者河水滔
陸泛濫十餘郡隄防勤勞弗能陞音塞朕甚憂之是故
巡方州禮嵩岳通八神以合宣房濟淮江歷山濱音海
問民所疾苦惟吏多私徵求無已去者便居者擾故為
流民法以禁重賦乃者封泰山皇天嘉況神物並見朕

方答氣應未能承意是以切比

頻窳反

閭里知吏姦邪委

任有司然則官曠民愁盜賊公行往年覲明堂赦殊死
無禁錮咸自新與更始今流民愈多計文不改君不繩
責長吏而請以興徙四十萬口搖蕩百姓孤兒幼年未
滿十歲無罪而坐率朕失望焉今君上書言倉庫城郭
不充實民多貧盜賊衆請入粟為庶人夫懷知民貧而
請益賦動危之而辭位欲安歸難乎君其反室慶素質
見詔報反室自以為得許欲上印綬掾史以為見責甚

深而終以反室者醜惡之辭也或勸慶宜引決慶甚懼

不知所出遂復起視事

石慶傳

五年冬行南巡狩至於盛唐作盛唐樅陽之歌祠后土

于下房以二十太牢天子從昆侖道入始拜明堂如郊

禮夏四月詔曰朕巡荆揚輯

與集同

江淮物會大海氣昌

合泰山上天見象增修封禪其赦天下所幸縣毋出令

年租賦賜鰥寡孤獨帛貧窮者粟還幸甘泉郊泰時

本紀

封禪書

大司馬大將軍長平烈侯衛青薨

本紀

起冢象廬山

青傳按匈奴傳揚雄上書曰運府庫之財填廬山之壑而不悔注廬山匈奴中山也衛青傳作廬字誤

太史公曰蘇建語余曰吾嘗責大將軍至尊重而天下賢士大夫毋稱焉願將軍觀古名將所招選擇賢者大將軍謝曰自魏其武安之厚賓客天子嘗切齒彼親附士大夫招賢絀不肖者人主之柄也人臣奉法遵職而已何與招士其為將如此

帝開地斥境南置交趾北置朔方之州兼徐梁幽并夏

周之制改雍曰涼改梁曰益凡十三部

地理志

初置部刺史

史掌奉詔條察州秩六百石負十三人

百官表 豫州刺史部 考異

潁川汝南沛郡梁魯國冀州刺史部
魏鉅鹿常山清河郡趙平干真定中山信都河間國兗州刺史部
陳留山陽濟陰泰山東郡城陽淮陽東平國徐州刺史部
琅瑯東海臨淮郡泗水廣陵楚國青州刺史部
平原千乘濟南北海東萊齊郡菑川膠東高密國荊州刺史部
南陽江夏桂陽武陵零陵南郡長沙國揚州刺史部
廬江九江會稽丹陽豫章郡六安國益州刺史部
漢中廣漢武都犍為越巂益州牂牁蜀郡巴郡涼州刺史部
隴西天水武威張掖酒泉敦煌安定北地郡并州刺史部
太原上黨西河朔方五原雲中定襄雁門上郡幽州刺史部
渤海上谷漁陽右北平遼西遼東元菟樂浪涿代郡廣陽國交州刺史部
南海鬱林蒼梧交趾合浦九真日南郡凡十二部
三輔三河宏農別屬司隸司隸置於征和間未置司隸以前亦有刺史
察之所以刺史負有十三

人令刺史舉民有茂材移名丞相考取三科明經一科

明律令一科能治劇一科詔選諫大夫議郎博士諸侯

王傳僕郎中令取明經選廷尉正監案章取明律令選

長安三輔令取治劇皆試守滿歲為真

漢儀

六年初漢使至安息安息王令將二萬騎迎于東界東

界去王都數千里行比至過數十城人民相屬甚多漢

使還因發使隨漢使來觀漢廣大以大鳥卵及黎軒

音軒

眩人獻于漢天子天子大悅是時上方數巡狩海上乃

悉從外國客大都多人則過之散財帛以賞賜厚具以饒給之以覽示漢富厚焉於是大角抵出奇戲諸怪物多聚觀者行賞賜酒池肉林令外國客徧觀名倉庫府藏之積見漢之廣大傾駭之及加其眩者之工而角抵奇戲歲增變甚盛益興自此始西北外國使更來更去宛以西皆自以遠尚驕恣晏然未可詘以禮羈縻而使也

大宛傳

是歲匈奴兒單于立漢使兩使一人弔單于一

人弔右賢王欲以乖其國使者入匈奴匈奴悉將致單

于單于怒而悉留漢使漢使留匈奴者前後十餘輩而匈奴使來漢亦輒留之相當

匈奴傳

太初元年十一月甲子朔旦冬至祀太一五帝于明堂後每修封禪其贊饗曰天增授皇帝太元神策周而復始皇帝敬拜太一東至海上考入海及方士求神者莫驗然益遣幾遇之

郊祀志

乙酉柏梁臺災

本紀

自董仲舒韓

嬰死後帝得魯人夏侯始昌通五經甚重之始昌明于陰陽先是大風發柏梁臺屋始昌言其災日至期日果

災

始昌傳
五行志

十二月甲午朔上親禪高里祠后土春還受

計于甘泉公孫卿曰黃帝就青靈臺十二日燒黃帝乃

治明廷明廷甘泉也方士多言古帝王有都甘泉者其

後天子又朝諸侯甘泉甘泉作諸侯邸

本紀封
禪書

夏五月

太中大夫公孫卿壺遂太史令司馬遷等言歷紀壞廢

宜改正朔是時御史大夫兒寬明經術上廼詔寬曰與

博士共議今宜何以為正朔服色何上寬與博士賜等

議皆曰帝王必改正朔易服色所以明受命於天也創

業變改制不相復推傳序文則今夏時也於是乃詔御史其以七年為元年遂詔卿遂遷與侍郎尊大典星射姓等議造漢歷廼定東西立晷儀下刻漏以追二十八宿相距於四方舉終以定朔晦分至躔離弦望廼以前歷上元泰初四千六百一十七歲至于元封七年復得閏逢攝提格之歲中冬十一月甲子朔旦冬至日月在建星太歲在子已得太初本星度以造漢太初歷廼選治歷鄧平及與民間治歷者凡二十餘人方士唐都巴

郡洛下閼與焉都分天部而閼運筭轉歷其法以律起
歷與鄧平所治同廼詔遷用鄧平所造八十一分律歷
罷廢尤疏遠者十七家復使校歷律昏明宦者淳于陵
渠復覆太初歷晦朔弦望皆最密日月如合璧五星如
連珠陵渠奏狀遂用鄧平歷以正月為歲首因為太初
元年色上黃數用五協音律定宗廟百官之儀以為典
常垂之于後

本紀律歷
志禮書

漢初高帝以十月為歲首七年

長樂宮成諸侯群臣朝賀至帝雖用夏正然每月朔朝

至于十月朔猶常享會

通典

更郎中令為光祿勳大行令

為大鴻臚大農令為大司農中尉為執金吾右內史為

京兆尹左內史為左馮翊主爵中尉為右扶風右扶風

與左馮翊京兆尹是為三輔皆有兩丞列侯更屬大鴻

臚更太常屬祠祝曰廟祝更太僕屬家馬為廄馬置路

軫更大鴻臚屬行人為大行令置別火更少府屬考工

室為考工左弋為飲飛居室為保宮甘泉居室為昆臺

永巷為掖廷更將作少府屬東園主章為木工置羽林

掌送從次期門名曰建章營騎後更名羽林騎又取從
軍死事之子孫養羽林官教以五兵號曰羽林孤兒羽
林有令丞屬光祿勳王國內史中尉郎中令如故改大

僕曰僕損郎中令及僕秩千石

並見百官表載
以為太初元年初置八

校尉

考異曰百官表
初定官名之後

以為武帝置不得其年今附於太
初元年更中大夫

為光祿大夫此本
不載疑有脫文

中壘校尉掌北軍壘門內外掌西域

屯騎校尉掌騎士步兵校尉掌上林苑門屯兵越騎校
尉掌越騎長水校尉掌長水宣曲胡騎又有胡騎校尉

掌池陽胡騎不常置射聲校尉掌待詔射聲士虎賁校

尉掌輕車八校尉秩皆二千石有丞司馬

百官表

增置太

卜學士

百官表六典注

考異曰史記曰者列傳云太卜之起由漢興而有而漢書百官表云武帝太

初元年初置太卜二史不同如此考史記龜策傳云高祖時因秦太卜官至今上即位博開藝能之路悉延百端之學通一伎之士咸得自效數年之間太卜大集又郊祀志亦有雞卜以此推之太卜之官漢初已有之矣特增置自武帝始非漢初無此官至是始置也今改初字作增字

高祖時因秦太卜官

天下始定兵革未息及孝惠享國日少呂后女主孝文

孝景因襲掌故未遑講試雖父子疇官世世相傳其精

微深妙多所遺失至今上即位博開藝能之路悉延百
端之學通一伎之士咸得自效絕倫超奇者為右無所
阿私數年之間太卜大集會上欲擊匈奴西攘大宛南
收百越卜筮至預見表象先圖其利及猛將椎鋒執節
獲勝于彼而著龜時日亦有力于此上尤加意賞賜至
或數千萬如邱子明之屬富溢貴寵傾于朝廷至于卜
筮射蠱道巫蠱時或頗中素有睚眦不快因公行誅恣
意所傷以破族滅門者不可勝數百僚蕩恐皆曰龜策

能言後事覺奸窮亦誅三族

龜策傳

秋八月遣貳師將軍

李廣利發天下謫民西征大宛

本紀

令丁夫人雒陽虞初

等以方祠詛匈奴大宛

封禪書

冬匈奴大雨

于具反

雪畜多

饑寒死

匈奴傳

是歲以故左內史咸宣為右扶風無忌為

京兆尹殷周為左馮翊

百官表

二年春正月戊寅丞相牧邱恬侯石慶薨

考異曰百官表作戊寅本

紀荀紀通鑑作戊申按長歷是年二月丙戌朔逆而推之正月有戊寅無戊申當是本紀荀紀通鑑誤今從百

官表

中子德慶愛之上以德嗣慶方為丞相時諸子孫為

小吏至二千石者十二人及慶死後稍以罪去孝謹衰

矣

本紀百官表
萬石君傳

三月丁卯

史記表

以太僕公孫賀為丞相

封葛繹侯

考異曰百官表作閏正月丁丑史記大事記作三月丁卯按長歷太初元年已閏十月三

年又閏六月此年無閏當是百官表誤今從史記大事記

賀子敬聲代賀為太僕父

子並居公卿位敬聲以皇后姊子驕奢不奉法

百官表
公孫賀

傳

上行幸河東祠后土令天下大酺五日

音

酺五日祠

門戶比臘

本紀

是歲有司言雍五時無牢孰具芬芳不備

廼令祠官進時犢牢具色食所勝而以木寓馬代駒云

及諸名山川用駒者悉以木寓馬代獨行過親祠適用

駒它禮如故

郊祀志

三年春正月以膠東太守延廣為御史大夫

百官表通鑑 考異

曰荀紀作膠東相王延廣此從史記漢書表按本紀二年冬十二月御史大夫兒寬卒延廣蓋代寬者此本書延廣之拜於此處而二年行東巡海上考神仙之屬不書兒寬之卒疑有脫文

未有驗者方士有言黃帝時為五城十二樓以候神人

于執期

地名

命曰迎年上許作之如方名曰明年上親禮

祠上犢黃焉公玉帶曰黃帝時雖封泰山然風后封鉅

岐伯

韋昭曰皆黃帝臣

令黃帝封東泰山禪凡山合符然後不

死天子既令設祠具至東泰山東泰山卑小不稱其聲

廼令祠官禮之而不封焉令帶奉祠候神物夏四月復

還泰山修封而加禪祠石閭石閭者在泰山下趾南方

方士言仙人閭也故上親禪焉

本紀郊祀志

是歲睢陵侯張

昌坐為太常乏祠國除

百官表

太史公曰余讀高祖侯功臣察其首封所以失之

者曰異哉所聞書曰協和萬邦遷于夏商或數千

歲蓋周封八百幽厲之後見于春秋尚書有唐虞
之侯伯歷三代千有餘載自全以蕃衛天子豈非
篤于仁義奉上法哉漢興功臣受封者百有餘人
後數世民咸歸鄉里戶益息蕭曹絳灌之屬或至
四萬小侯自信富厚如之子孫驕溢忘其先淫嬖
至太初百年之間見侯四

考異曰史記表序作見
侯五通鑑作四人按是

年張昌既免故存者
四人耳今從通鑑

餘皆坐法隕命亡國耗矣網

亦少密焉然皆身無兢兢于當世之禁云

四年春貳師將軍李廣利斬大宛王首來至京師貳師所過小國聞宛破皆使其子弟從入貢獻見天子因為質焉軍還入玉門者萬餘人馬千餘匹後行非乏食戰死不甚多而將吏貪不愛卒侵牟之以此物故者衆天子為萬里而伐不錄其過迺下詔曰匈奴為害久矣今雖徙幕北與旁國謀共要絕大月氏使遮殺中郎將江故雁門守攘危須以西及大宛皆合約殺期門車令中郎將朝及身毒國使隔東西道貳師將軍廣利征討厥

罪伐勝大宛賴天之靈從沂河山涉流沙通西海山雪不積士大夫徑度獲王首虜珍怪之物畢陳于闐其封

廣利為海西侯食邑八千戶

廣利傳

秋起明光宮

本紀

發燕

趙美女二千人充之率皆十五以上二十已還年滿三十者出嫁之掖庭令摠其籍時有死出者隨補之凡諸宮美人萬有七八千人建章未央長樂三宮皆輦道相

屬不由徑路嘗被御幸者僕射輒注其籍

漢武故事

是歲左

內史咸宣中廢為右扶風坐怒其吏成信信亡藏上林

中宣使郿令將吏卒闢入上林中蠶室門攻亭格殺信
射中苑門宣下吏為大逆當族自殺而杜周任用

酷吏傳百

官表

天漢元年春三月行幸河東祠后土

本紀

上作秋風辭曰

秋風起兮白雲飛草木黃落兮雁南歸
蘭有秀兮菊有芳懷佳人兮不能忘
泛樓船兮濟汾河橫中流兮揚素
波簫鼓鳴兮發棹歌歡樂極兮哀情多
少壯幾時兮柰

老何

漢武故事

考異曰此段見漢武故事不得其年
按文中子云秋風之辭其悔志之萌乎蓋帝暮年

所作也而故事又云幸河東祠后土所作
今附於天漢元年幸河東祠后土之後
且鞮丁奚反侯

單于初立恐漢襲之乃曰漢天子我丈人行
胡浪反也盡

歸漢使路充國等使使來獻上嘉其義迺遣蘇武以中

郎將使持節送匈奴使留在漢者因厚賂單于既至匈奴

置幣遺單于單于益驕非漢所望也方欲發使送武

等會緱工侯反王與長水虞常等謀反匈奴中緱王者昆

胡門反邪王姊子也與昆邪王俱降漢後隨浞野侯沒胡

中及衛律所將降者陰相與謀劫單于母閼氏歸漢衛

律者父故長水胡人律善協律都尉李延年延年薦言

律使于匈奴使還聞延年家收遂亡降匈奴

蘇武李陵傳考異

曰延年傳云誅延年兄弟宗族按是後李廣利尚為將帥蓋止誅延年及弟季妻子耳按匈奴傳元封六年

兒單于立三歲死太初三年匈奴單于立一歲死太初四年且鞮侯單于立蘇武傳云天漢元年且鞮侯單

于初立云云蓋自太初四年至天漢元年僅一歲故謂之初立非謂且鞮侯單于至是乃立也此本於元封六

年書兒單于立此處書且鞮侯單于初立秋七月浞野不載太初以來匈奴更立之事當有脫落

侯趙破奴自匈奴亡歸

通鑑考異曰破奴傳云為虜所得遂沒其軍居匈奴中十歲

復與太子安國亡入漢後坐巫蠱族荀紀亦謂居匈奴中十餘歲而歸按本紀匈奴傳侯表破奴至浚稽期左

大都尉為匈奴生得在太初二年則十年而歸當在太
始三年通鑑乃書于天漢元年距太初二年只四歲耳
與匈奴傳荀紀不同故李陵軍敗軍吏謂陵曰將軍威
震匈奴天命不遂後求道徑還歸如浞野侯為虜所得
後亡還天子客遇之況于將軍乎陵軍敗在天漢二年
而軍吏之言如此則破奴之歸在李陵軍敗之前明矣
故通鑑附于陵敗之前一年今從通鑑是歲濟南太守王卿為御史大夫

考異曰荀記作王延桑宏羊為大司農百官表宛貴人以
年今從史記漢書表

為昧蔡調使我國遇屠相與共殺昧蔡考異曰通鑑載于四年廣利軍

還後按傳云歲餘宛貴人以為昧蔡調使我國遇屠相
與共殺昧蔡今移于次年按大宛傳李廣利既斬宛
王更立貴人素遇漢善者名昧蔡為王後歲餘宛貴人
以為昧蔡調云云此本書殺昧蔡事於此處而太初四

年初無立昧蔡立母寡弟蟬封為王遣子入侍質于漢
之文疑有脫誤

漢因使使賂賜鎮撫之蟬封與漢約歲獻天馬二匹

大宛

傳

胡建守軍正丞

顏曰南北軍各有正正又有丞

貧亡車馬常步與走

卒起居所以尉薦走卒甚得其心時監軍御史為姦穿

北軍壘垣以為賈區建欲誅之乃約其走卒曰我欲與

公有所誅吾言取之則取斬之則斬于是當選士馬日

監御史與護軍諸校列坐堂皇上建從走卒趨至堂皇

下拜謁因上堂皇走卒皆上建指監御史曰取彼走卒

前曳下堂皇建曰斬之遂斬御史

考異曰荀氏漢紀載於此年今從之護

軍諸校皆驚愕不知所以建亦已有成奏在懷中遂上

奏曰臣聞軍法立武以威衆誅惡以禁邪今監御史公

穿軍垣以求賈利私買賣以與士市不立剛毅之心勇

猛之節亡以帥先士大夫尤失理不公用文吏議不至

重法黃帝李法曰壁壘已定穿窬不繇路是謂姦人姦

人者殺臣謹按軍法曰正亡屬將軍將軍有罪以聞二

千石以下行法焉承於用法疑執事不諉上臣謹以斬

昧死以聞制曰司馬法曰國容不入軍軍容不入國何
文吏也三王或誓於軍中欲民先成其慮也或誓於軍
門之外欲民先意以待事也或將交刃而誓致民志也

建又何疑焉建由是顯名

胡建傳

二年夏五月遣貳師將軍李廣利將三萬騎出酒泉又
遣因杆將軍公孫敖出西河騎都尉李陵將步兵五千

人出居延北擊匈奴

考異曰本紀所書如此以傳考之路博德奏言方秋匈奴馬肥未可

與戰臣願留陵至春上疑陵教博德上書迺詔博德引
兵走西河陵以九月發出遮虜鄭然則公孫敖路博德

李陵之出塞皆在秋也本紀以與李貳師出酒泉與右廣利出師同一事故併附於五月耳

賢王戰于天山斬首虜萬餘級而還匈奴大圍貳師漢軍乏食死傷者多時假司馬隴西趙充國迺與壯士百餘人潰圍陷陳貳師引兵隨之遂得解漢兵物故什六七充國身被二十餘創貳師奏狀詔徵充國詣行在帝親見視其創嗟歎之拜為中郎公孫敖出西河與彊弩都尉路博德會涿邪山無所得李陵北行三十日至浚稽山與單于相值騎可三萬圍陵軍軍居兩山間以大

車為營陵引士出營外為陳虜見漢軍少直前就營陵搏戰攻之千弩俱發應弦而倒虜還走上山漢軍追擊殺數千人單于大驚召左右地兵八萬餘騎攻陵陵且戰且引南行數日抵山谷中陵曰吾士氣少衰而鼓不起何也軍中豈有女子乎始軍出時關東羣盜妻子徙邊者隨軍為卒妻婦大匿車中陵搜得皆劒斬之明日復戰斬首三千餘級引兵東南行至山下單于在南山上使其子將騎擊陵陵軍步關樹林間復殺數千人是

時陵軍益急匈奴騎多戰一日數十合復傷殺虜二千
餘人虜不利欲去會陵軍候管敢亡降匈奴具言陵軍
無後救射矢且盡單于大喜使騎竝攻漢軍良久陵還
太息曰兵敗死矣軍吏或曰將軍威鎮匈奴天命不遂
後求道徑還歸如浞野侯為虜所得後亡還天子客遇
之況於將軍乎陵曰公止吾不死非壯士也於是盡斬
旌旗及珍寶埋地中夜半時擊鼓起士鼓不鳴虜騎數
千追之陵曰無面目報陛下遂降邊塞以聞上以問太

史令司馬遷遷盛言陵事親孝與士信嘗奮不顧身以
殉國家之急其素所畜積也彼之不死宜欲得當以報
漢也初上遣貳師大軍出財令陵為助兵及陵與單于
相值而貳師功少上以遷誣因欲沮貳師為陵游說下
遷腐刑久之上悔陵無救曰陵當發出塞廼詔彊弩都
尉令迎軍坐預詔之得令老將生奸詐廼遣使勞賜陵
餘軍得脫者

李陵
蘇武傳

初秦變周法置尚書于禁中有令

丞掌通章奏漢初因之至帝遊宴後庭始用宦者典事

尚書謂之中書謁者置令僕射司馬遷被刑之後以為

中書令

六典云不言謁者省文也

尊寵任職故人益州刺史任安予

遷書責以古賢臣之義教以慎于接物推賢進士為務

遷報之曰刑餘之人無所比數非一世也所從來遠矣

昔衛靈公與雍渠載孔子適陳商鞅因景監見趙良寒

心趙談參乘爰絲變色自古而恥之夫中材之人事關

於宦豎莫不傷氣況忼慨之士乎如今朝雖乏人柰何

令刀鋸之餘薦天下豪雋哉鄉者僕亦嘗廁下大夫之

列陪外廷末議不以此時引維綱盡思慮今已虧形為

掃除之隸在閭茸之中廼欲仰

讀曰仰

首信

讀曰伸

眉論列

是非不亦輕朝廷羞當世之士邪

六典通典司馬遷傳

秋止禁巫

祠道中者

本紀

是時郡守尉諸侯二千石欲為治者大抵

盡效王溫舒等而吏民益輕犯法盜賊滋起大羣至數

千人擅自號攻城邑取庫兵釋死罪小群以百數掠虜

鄉里者不可稱數乃使直指使者暴勝之及故九卿張

德等衣繡衣持節虎符發兵督郡國分部捕斬勝之至

被陽濟南王訢為令勝之欲斬訢訢已解衣伏質仰言
曰使君顯殺生之柄威震郡國今復斬一訢不足以增
威不如時有所寬以明恩貸令盡死力勝之壯其言貫

不誅因與訢相結

王訢傳
酷吏傳

三年春二月以執金吾杜周為御史大夫

百官表

杜周為

廷尉中廢後為執金吾逐捕桑宏羊衛皇后昆弟子刻

深上以為盡力無私遷御史大夫兩子夾河為太守治

民皆酷暴而少子延年行寬厚云

杜周傳
荀氏紀

故丞相長史

田仁上書言天下郡太守多為姦利三河尤甚皆內倚中貴人與三公有親屬無所畏憚宜先正三河以警天下姦吏是時河南河內太守杜周子弟也河東太守石

慶子孫也上使仁刺三河太守皆下吏

考異曰此事見褚先生補史記

不得其時今附於杜周拜御史大夫之後蓋周二子夾河為太守故也

還奏事帝說拜為

京輔都尉

六字據田叔傳

遷丞相司直威震天下

褚先生補史記

三月

行幸泰山修封祀明堂

本紀

帝所興祠太一后土三年親

郊祠建漢家封禪五年一修封薄忌太一等六祠以歲

時致禮皆太祝領之至如八神諸名祠行過則祠行去則已方士所興祠各自主其人終則已祠官不主他祠皆如故帝封禪後十二歲而還徧於五岳四瀆矣

封禪書

四年春正月遣貳師將軍李廣利六萬騎步兵七萬人出朔方因杆將軍公孫敖將騎萬步兵三萬人出鴈門游擊將軍韓說步兵三萬人出五原而單于以十萬待水南連關十餘日游擊亡所得因杆與左賢王戰不利引歸

本紀匈奴傳考異曰史記匈奴傳云廣利於此降匈奴誤

初李陵與蘇武俱

為侍中武使匈奴明年陵降不敢求武久之單于使陵
至海上為武置酒設樂因謂武曰單于聞陵與子卿素
厚故使陵來說足下虛心欲相待終不得歸漢空自苦
亡人之地信義安所見乎前長君為奉車武兄從至雍

棧陽宮扶輦下除觸柱折轅劾大不敬伏劍自刎賜錢

二百萬以葬孺卿

武弟賢

從祠河東后土宦騎與黃門駙

馬爭船推墮駙馬河中溺死宦騎亡詔使孺卿逐捕不
得惶恐飲藥而死來時太夫人亦不幸陵送葬至陽陵

子卿婦年少聞已更嫁矣獨有女弟二人兩女一男今復十餘年存亡不可知人生如朝露何久自苦如此陵始降時忽忽如狂自痛負漢加以老母繫保宮子卿不欲降何以過陵且陛下春秋高法令亡常大臣亡罪夷滅者數十家安危不可知子卿尚復誰為乎願聽陵計勿復有云武曰武父子亡功德皆為陛下所成就位列將爵通侯兄弟親近常願肝腦塗地今得殺身自效雖蒙斧鉞湯鑊誠甘樂之臣事君猶子事父也子為父死

無所恨願勿復再言陵與武飲數日復曰子卿一聽陵
言武曰自分已死久矣王必欲降武請畢今日之驩效
死於前陵見其至誠喟然歎曰嗟乎義士陵與衛律之
罪上通於天因泣下霑衿與武決去

蘇武傳

夏四月立皇

子臾

音博

為昌邑王

考異曰同姓諸侯王表作六月乙丑立今從本紀

王以少子

愛上為選師以夏侯始昌為太傅

始昌傳

是歲始定輿服

之制郊祀所乘謂之大駕車千乘騎萬匹令諸侯王大
國朱輪特虎居前左兕右鹿小國特熊居前麋皆居左

右通典古
今注

欽定四庫全書

西漢年紀卷十七

宋 王益之 撰

武帝

太始元年春正月徙郡國吏民豪桀于茂陵

本紀異曰本紀考

又有雲陵字顏注曰此當云雲陽寫者誤為陵耳趙佺
仔死葬雲陽至昭帝即位始尊為皇太后而起雲陵武
帝時未有雲陵此言是也又謂茂陵帝所自起而雲陽
甘泉所居故總使徙豪桀也此言恐未然荀紀云徙豪
傑于茂陵陵在雲陽如荀氏說是徙豪桀於茂陵
之雲陽耳非兩處也通鑑削去雲陽二字今從之

晦日有食之

五行志

大司農桑宏羊貶為搜粟都尉

百官表

二年春三月更黃金為麟趾褭蹏

本紀

初天子始建漢家

之封而太史令司馬談留滯周南不得與從事故發憤
且卒而子遷為郎中奉使西征巴蜀以南略邛笮昆明
還報命見父於河洛之間太史談執遷手而泣曰余先
周室之太史也自上世嘗顯功名於虞夏典天官事後
世中衰絕於余乎汝復為太史則續吾祖矣今天子接
千歲之統封泰山而余不得從行是命也夫是命也夫
余死汝必為太史為太史無忘吾所欲論著矣且夫孝

始於事親中於事君終於立身揚名於後世以顯父母
此孝之大也夫天下稱周公言其能論歌文武之德宣
周召之風達太王王季思慮爰及公劉以尊后稷也幽
厲之後王道缺禮樂衰孔子脩舊起廢論詩書作春秋
學者至今則之自獲麟以來四百有餘歲而諸侯相兼
史記放絕今漢興海內一統明主賢君忠臣義士余為
太史而弗論載廢天下之文余甚懼焉汝其念哉遷俯
首流涕曰小子不敏請悉論先人所次舊聞弗敢闕卒

三歲而遷為太史令紬史記石室金匱之書五年而當太初元年於是論次其文七年而遷遭李陵之禍幽於縲紲乃喟然而嘆曰是余之罪也夫是余之罪也夫身毀不用矣退而深維曰夫詩書隱約者欲遂其志之思也昔西伯拘美里演周易孔子厄陳蔡作春秋屈原放逐著離騷左邱失明厥有國語孫子臚脚而論兵法不韋遷蜀世傳呂覽韓非囚秦說難孤憤詩三百篇大抵賢聖發憤之所為作也此人皆意有所鬱結不得通其

道也故述往事思來者於是卒述陶唐以來至於麟止
自黃帝始維昔黃帝法天則地四聖遵序各成法度唐
堯遜位虞舜不台厥美帝功萬世載之作五帝本紀第
一維禹之功九州攸同光唐虞際德流苗裔夏桀淫驕
乃放鳴條作夏本紀第二維契作商爰及成湯太甲居
桐德盛阿衡武丁得說乃稱高宗帝辛湛湎諸侯不享
作殷本紀第三維棄作稷德盛西伯武王牧野實撫天
下幽厲昏亂既喪鄴鎬陵遲至赧洛邑不祀作周本紀

第四維秦之先伯翳佐禹穆公思義悼豪之旅以人為
殉詩歌黃鳥昭襄業帝作秦本紀第五始皇既立并兼
六國銷鋒鑄鐻維偃干革尊號稱帝矜武任力二世受
運子嬰降虜作始皇本紀第六秦失其道豪傑並擾項
梁業之子羽接之殺慶救趙諸侯立之誅嬰背懷天下
非之作項羽本紀第七子羽暴虐漢行功德憤發蜀漢
還定三秦誅籍業帝天下惟寧改制易俗作高祖本紀
第八惠之早寤諸呂不台崇彊祿產諸侯謀之殺隱幽

友大臣洞疑遂及宗禍作呂太后本紀第九漢既初興
繼嗣不明迎王踐阼天下歸心蠲除肉刑開通關梁廣
恩博施厥稱太宗作孝文本紀第十諸侯驕恣吳首為
亂京師行誅七國伏辜天下翕然大安殷富作孝景本
紀第十一漢興五世隆在建元外攘夷狄內修法度建
封禪改正朔易服色作今上本紀第十二維三代尚矣
年紀不可考蓋取之譜牒舊聞本于茲於是畧推作三
代世表第一幽厲之後周室衰微諸侯專政春秋有所

不紀而譜牒經畧五霸更盛衰欲睹周世相先後之意作十二諸侯年表第二春秋之後陪臣秉政彊國相王以至於秦卒并諸夏滅封地擅其號作六國年表第三秦既暴虐楚人發難項氏遂亂漢乃扶義征伐八年之間天下三嬗事繁變衆故詳著秦楚之際月表第四漢興呂來至於太初百年諸侯廢立分削譜紀不明有司靡踵彊弱之原云以世作漢興呂來諸侯年表第五維高祖元功輔臣股肱剖符而爵澤流苗裔忘其昭穆或

殺身墮國作高祖功臣侯者年表第六惠景之間維申
功臣宗屬爵邑作惠景間侯者年表第七北討強胡南
誅勁越征伐夷蠻武功爰列作建元以來侯者年表第
八諸侯既強七國為從子弟衆多無爵封邑推恩行義
其勢銷弱德歸京師作王子侯者年表第九國有賢相
良將民之師表也維見漢興以來將相名臣年表賢者
記其治不賢者彰其事作漢興以來將相名臣年表第
十維三代之禮所損益各殊物然要以近情性通王道

故禮因人質為之節文畧協古今之變作禮書第一樂者所以移風易俗也自雅頌聲興則已好鄭衛之音鄭衛之音所從來久矣人情之所感遠俗則懷比樂書以述來古作樂書第二非兵不强非德不昌黃帝湯武以興桀紂二世以崩可不慎歟司馬法所從來尚矣太公孫吳王子能紹而明之切近世極人變作律書第三律居陰而治陽歷居陽而治陰律歷更相治間不容翺忽五家之文拂異維太初之元論作歷書第四星氣之書

多雜機祥不經推其文考其應不殊比集論其行事驗
于軌度以次作天官書第五受命而王封禪之符罕用
用則萬靈罔不禋祀追本諸神名山大川禮作封禪書
第六維禹浚川九州攸寧爰及宣防決瀆通溝作河渠
書第七維幣之行以通農商其極則玩巧并兼茲殖爭
於機利去本趨末作平準書以觀事變第八太伯避歷
江蠻是適文武攸興古公王迹闔廬弑僚賓服荆楚夫
差克齊子胥鴟夷信詬親越吳國既滅嘉伯之讓作吳

世家第一申呂肖矣尚父側微卒歸西伯文武是師功
冠群公繆權于幽番番黃髮爰饗營邱不背柯盟桓公
以昌九合諸侯霸功顯彰田闕爭寵姜姓解亡嘉父之
謀作齊太公世家第二依之違之周公綏之憤發文德
天下和之輔翼成王諸侯宗周隱桓之際是獨何哉三
桓爭彊魯乃不昌嘉旦金滕作周公世家第三武王克
紂天下未協而崩成王既幼管蔡疑之淮夷叛之於是
召公率德安集王室以寧東土燕易之禪乃成禍亂嘉

甘棠之詩作燕世家第四管蔡相武庚將寧舊商及旦攝政二叔不饗殺鮮放度周公為盟大任十子周以宗強嘉仲悔過作管蔡世家第五王後不絕舜禹是說維德休明苗裔蒙烈百世享祀爰周陳杞楚實滅之齊田既起舜何人哉作陳杞世家第六收殷餘民叔封始邑申以商亂酒材是告及朔之生衛傾不寧南子惡蒯瞶子父易名周德卑微戰國既強衛以小弱角獨後亡嘉彼康誥作衛世家第七嗟箕子乎嗟箕子乎正言不用

乃反為奴武庚既死周封微子襄公傷於泓君子孰稱
景公謙德熒惑退行剔成暴虐宋乃滅亡嘉微子問太
師作宋世家第八武王既崩叔虞邑唐君子譏名卒滅
武公驪姬之愛亂者五世重耳不得意乃能成霸六卿
專權晉國以耗嘉文公錫圭鬯作晉世家第九重黎業
之吳回接之殷之季世粥子牒之周用熊繹熊渠是續
莊王之賢乃復國陳既赦鄭伯班師華元懷王客死蘭
谷屈原好諛信讒楚并於秦嘉莊王之義作楚世家第

十少康之子實賓南海文身斷髮黿鯨與處既守封禺
奉禹之祀句踐困彼乃用種蠡嘉句踐夷蠻能修其德
滅強吳以尊周室作越王句踐世家第十一桓公之東
太史是庸及侵周禾王人是議祭仲要盟鄭久不昌子
產之仁紹世稱賢三晉侵伐鄭納於韓嘉厲公納惠王
作鄭世家第十二維驥騶耳乃章造父趙夙事獻衰續
厥緒佐文尊王卒為晉輔襄子困辱乃禽智伯主父生
縛餓死探爵王遷辟淫良將是斥嘉鞅討周亂作趙世

家第十三畢萬爵魏卜人知之及絳戮干戎翟和之文
侯慕義子夏師之惠王自矜齊秦攻之既疑信陵諸侯
罷之卒亡大梁王假廝之嘉武佐晉文申霸道作魏世
家第十四韓厥陰德趙武攸興紹絕立廢晉人宗之昭
侯顯列申子庸之疑非不信秦人襲之嘉厥輔晉匡周
天子之賦作韓世家第十五完子避難適齊為援陰施
五世齊人歌之成子得政田和為侯王建動心乃遷于
共嘉威宣能撥濁世而獨宗周作田敬仲完世家第十

六周室既衰諸侯恣行仲尼悼禮廢樂崩追修經術以
達王道匡亂世反之於正見其文辭為天下制儀法垂
六藝之統紀於後世作孔子世家第十七桀紂失其道
而湯武作周失其道而春秋作秦失其政而陳涉發迹
諸侯作難風起雲蒸卒亡秦族天下之端自涉發難作
陳涉世家第十八成皐之臺薄氏始基誑意適代厥崇
諸竇栗姬傾貴王氏乃遂陳后太驕卒尊子夫嘉夫德
若斯作外戚世家第十九漢既誦謀禽信於陳越荊剽

輕乃封弟交為楚王爰都彭城以彊淮泗為漢宗藩戊
溺於邪禮復紹之嘉游輔祖作楚元王世家第二十維
祖師旅劉賈是與為布所襲喪其荆吳營陵激呂乃王
琅邪怵午信齊往而不歸遂西入關遭立孝文獲復王
燕天下未集賈澤以族為漢藩輔作荆燕世家第二十
一天下已平親屬既寡悼惠先壯實鎮東土哀王擅興
發怒諸呂駟鈞暴戾京師弗許厲之內淫禍成主父嘉
肥股肱作齊悼惠王世家第二十二楚人圍我滎陽相

守三年蕭何填撫山西推計踵兵給糧食不絕使百姓
愛漢不樂為楚作蕭相國世家第二十三與信定魏破
趙拔齊遂弱楚人續何相國不變不革黎庶攸寧嘉參
不伐功矜能作曹相國世家第二十四運籌帷幄之中
制勝於無形子房計謀其事無知名無勇功圖難於易
為大於細作留侯世家第二十五六奇既用諸侯賓從
於漢呂氏之事平為本謀終安宗廟定社稷作陳丞相
世家第二十六諸呂為從謀弱京師而勃反經合於權

吳楚之兵亞夫駐於昌邑以危齊趙而出委以梁作絳侯世家第二十七七國叛逆藩屏京師唯梁為扞傾愛矜功幾獲於禍嘉其能距吳楚作梁孝王世家第二十八五宗既王親屬洽和諸侯大小為藩爰得其宜僭擬之事稍衰貶矣作五宗世家第二十九三子之王文辭可觀作三王世家第三十末世爭利維彼奔義讓國餓死天下稱之作伯夷列傳第一晏子儉矣夷吾則奢齊桓以霸景公以治作管晏列傳第二李耳無為自化清

淨自正韓非揣事情循勢理作老子韓非列傳第三自
古王者而有司馬法穰苴能申明之作司馬穰苴列傳
第四非信廉仁勇不能傳兵論劍與道同符內可以治
身外可以應變君子比德焉作孫子吳起列傳第五維
建遇讒爰及子奢尚既匡父伍員奔吳作伍子胥列傳
第六孔氏述文弟子興業咸為師傳崇仁厲義作仲尼
弟子列傳第七鞅去衛適秦能明其術彊霸孝公後世
遵其法作商君列傳第八天下患衡秦無饜而蘇子能

存諸侯約從以抑貪彊作蘇秦列傳第九六國既從親而張儀能明其說復散解諸侯作張儀列傳第十秦所以東攘雄諸侯樗里甘茂之策作樗里甘茂列傳第十一苞河山圍大梁使諸侯歛手而事秦者魏冉之功作穰侯列傳第十二南拔鄢郢北摧長平遂圍邯鄲武安為率破荆滅趙王翦之計作白起王翦列傳第十三獵儒墨之遺文明禮義之統紀絕惠王利端列往世興衰作孟子荀卿列傳第十四好客喜士士歸於薛為齊扞

楚魏作孟嘗君列傳第十五爭馮亭以權如楚以救邯鄲之圍使其君復稱於諸侯作平原君虞卿列傳第十六能以富貴下貧賤賢能詘於不肖唯信陵君為能行之作魏公子列傳第十七以身殉君遂脫彊秦使馳說之士南鄉走楚者黃歇之義作春申君列傳第十八能忍詢音迺於魏齊而信威於彊秦推賢讓位二子有之作范雎蔡澤列傳第十九率行其謀連五國兵為弱燕報彊齊之讎雪其先君之耻作樂毅列傳第二十能信意

彊秦而屈體廉子用狗其君俱重於諸侯作廉頗藺相如列傳第二十一湣王既失臨淄而奔莒唯田單用即墨破走騎劫遂存齊社稷作田單列傳第二十二能設詭說解患於圍城輕爵祿樂肆志作魯仲連鄒陽列傳第二十三作辭以諷諫連類以爭義離騷有之作屈原賈生列傳第二十四結子楚親使諸侯之士斐然爭入事秦作呂不韋列傳第二十五曹子匕首魯獲其田齊明其信豫讓義不為二心作刺客列傳第二十六能明

其畫因時推秦遂得意於海內斯為謀首作李斯列傳
第二十七為秦開地益衆北靡匈奴據河為塞因山為
固建榆中作蒙恬列傳第二十八填趙塞常山以廣河
內弱楚權明漢王之信於天下作張耳陳餘列傳第二
十九收西河上黨之兵從至彭城越之侵掠梁地以苦
項羽作魏豹彭越列傳第三十以淮南畔楚歸漢漢用
大司馬殷卒破子羽于垓下作黥布列傳第三十一楚
人迫我京索而信拔魏趙定燕齊使漢三分天下有其

二以滅項籍作淮陰侯列傳第三十二楚漢相距畢洛而韓信為填潁川盧綰絕籍糧餉作韓信盧綰列傳第三十三諸侯畔項王唯齊連子羽城陽漢得以間遂入彭城作田儋列傳第三十四攻城野戰獲功歸報噲商有力焉非獨鞭策又與之脫難作樊鄴列傳第三十五漢既初定文理未明蒼為主計整齊度量序律歷作張丞相列傳第三十六結言通使約懷諸侯諸侯咸親歸漢為藩輔作酈生陸賈列傳第三十七欲詳知秦楚之

事惟周繆常從高祖平定諸侯作傳斬蒯成列傳第三
十八徙彊族都關中和約匈奴明朝廷禮次宗廟儀法
作劉敬叔孫通列傳第三十九能摧剛作柔卒為列臣
藥公不刼於勢而倍死作季布藥布列傳第四十敢犯
顏色以達主義不顧其身為國家樹長畫作袁盎鼂錯
列傳第四十一守法不失大理言古賢人增主之明作
張釋之馮唐列傳第四十二敦厚慈孝訥於言敏於行
務在鞠躬君子長者作萬石張叔列傳第四十三守節

切直義足以言廉行足以厲賢任重權不可以非理撓
作田叔列傳第四十四扁鵲言醫為方者宗守數精明
後世修序弗能易也而倉公可謂近之矣作扁鵲倉公
列傳第四十五維仲之省厥渙王吳遭漢初定以填撫
江淮之間作吳王濞列傳第四十六吳楚為亂宗屬唯
嬰賢而喜士士鄉之率師抗山東滎陽作魏其武安列
傳第四十七智足以應近世之變寬足用得人作韓長
孺列傳第四十八勇於當敵仁愛士卒號令不煩師徒

鄉之作李將軍列傳第四十九自三代已來匈奴常為
中國患害欲知彊弱之時設備征討作匈奴列傳第五
十直曲塞廣河南破祁連通西國靡北胡作衛將軍驃
騎列傳第五十一大臣宗室以侈靡相高唯宏用節衣
食為百吏先作平津侯列傳第五十二漢既平中國而
佗能集揚越以保南藩納貢職作南越列傳第五十三
吳之叛逆甌人斬濞掠守封禺為臣作東越列傳第五
十四燕丹散亂遼間滿收其亡民厥聚海東以集真藩

掠塞為外臣作朝鮮列傳第五十五唐蒙使略通夜郎而邛笮之君請為內臣受吏作西南夷列傳第五十六子虛之事大人賦說靡麗多誇然其指風諫歸於無為作司馬相如列傳第五十七黥布叛逆子長國之以填江淮之南安剽楚庶民作淮南衡山列傳第五十八奉法循理之吏不伐功矜能百姓無稱亦無過行作循吏列傳第五十九正衣冠立於朝廷而羣臣莫敢言浮說長孺矜焉好薦人稱長者壯有慨作汲鄭列傳第六十

自孔子卒京師莫崇庠序唯建元元狩之間文辭粲如也作儒林列傳第六十一民倍本多巧奸軌弄法善人不能化唯一切嚴削為能齊之作酷吏列傳第六十二漢既通使大夏而西極遠蠻引領內鄉欲親中國作大宛列傳第六十三救人於危振人不贍仁者有乎不既信不倍言義者有取焉作游俠列傳第六十四夫事人君能說主耳目和主顏色而獲親近非獨色愛能亦各有所長作佞幸列傳第六十五不流世俗不爭勢利上

下無所凝滯人莫之害以道之用作滑稽列傳第六十
六齊楚秦趙為日者各有俗所用欲循觀其大旨作日
者列傳第六十七三王不同龜四夷各異卜然各以決
吉凶略闕其要作龜策列傳第六十八布衣匹夫之人
不害於政不妨百姓取與以時而息財富智者有采焉
作貨殖列傳第六十九維我漢繼五帝末流接三代統
業周道廢秦撥去古文焚滅詩書故明堂石室金匱玉
版圖籍散亂於是漢興蕭蕭何次律令韓信申軍法張蒼

為章程叔孫通定禮儀則文學彬彬稍進詩書往往間
出矣自曹參薦蓋公言黃老而賈生鼂錯明申商公孫
宏以儒顯百年之間天下遺文古事靡不畢集太史公
太史公仍父子相續纂其職曰於戲余維先人嘗掌斯
事顯於唐虞至于周復典之故司馬氏世主天官至於
余乎欽念哉欽念哉罔羅天下放失舊聞王迹所興原
始察終見盛觀衰論考之行事略推三代錄秦漢上記
軒轅下至於茲著十二本紀既科條之矣並時異世年

差不明作十表禮樂損益律歷改易兵權山川鬼神天
人之際承敝通變作八書二十八宿環北辰三十輻共
一轂運行無窮輔拂股肱之臣配焉忠信行道以奉主
上作三十世家扶義倣儻不令已失時立功名於天下
作七十列傳凡百三十篇五十二萬六千五百字為太
史公書序略以拾遺補藝成一家之言厥協六經異傳
整齊百家雜語藏之名山副在京師俟後世聖人君子
第七十

史記太史公叙傳 考異曰呂氏大事記載於
天漢二年遷坐李陵事後按遷序傳云述往事

思來者於是卒述陶唐以來至於麟止武紀更黃九月
金為麟趾蓋太始之二年也今附於為麟趾之後

御史大夫杜周卒

本紀

周為吏深刻嘗冬獄未竟會立春

有寬大令周躅地嘆曰復假吾數十日足吾事矣其酷

暴如此

荀紀

是歲趙中大夫白公奏穿渠引涇水首起池

陽谷口尾入櫟陽注渭中廣袤三百里溉田四千五百

餘頃因名白渠民得其饒歌之曰田於何所池陽谷口

鄭國在前白渠在後舉畝成雲決渠為雨水流竈下魚

跳入釜涇水一石其泥數斗且溉且糞長我禾黍衣食

京師百萬餘口言此兩渠之饒也

溝洫志
荀紀

三年是歲皇子弗陵生弗陵母曰河間趙婕妤初帝巡狩過河間望氣者言此有奇女天子亟使使召之既至女兩手皆拳上自披之手即時伸由是得幸號曰拳夫人進為婕妤

外戚傳

直指使者江亢為水衡都尉

百官表

亢

本姓齊有女弟善鼓琴歌舞嫁之趙太子丹齊得幸於趙王為上客久之太子疑齊以已陰私告王與齊忤使吏逐捕齊不得收繫其父兄按驗皆棄市齊遂絕迹亡

西入關更名充詣闕告太子丹與同產姊及王後宮姦

亂交通郡國豪猾攻剽

頻妙反

為姦吏不能禁書奏天子

怒遣使者詔郡發吏卒圍趙王宮收捕太子丹移繫魏

郡詔獄與廷尉雜治法至死趙王彭祖帝異母兄也上

書訟太子臯言充逋逃小臣苟為姦譌

古訛字

激怒聖朝

欲取必於萬乘以復私怨後雖烹醢計猶不悔臣願選

從趙國勇敢士從軍擊匈奴極盡死力以贖丹罪上不

許久之竟赦出丹後彭祖入朝因帝姊平陽隆慮公主

求復立丹為太子上不許

數語見趙王傳

初充召見犬臺宮自

請願以所常被服冠見上上許之充為人魁岸容貌甚

壯帝望見而異之謂左右曰燕趙固多奇士既至前問

以當世政事上說之充因自請願使匈奴詔問其狀充

對曰因變制宜以敵為師事不可豫圖上以充為謁者

使匈奴還拜直指繡衣使者督三輔盜賊禁察踰侈貴

戚近臣多奢僭充皆舉劾奏請沒入車馬令身待北軍

擊匈奴奏可充即移書光祿勳中黃門逮名近臣侍中

諸當詣北軍者移劾門衛禁止無令得出入宮殿於是
貴戚子弟惶恐皆見上叩頭求哀願得入錢贖罪上許
之令各以秩次輸錢北軍凡數千萬上以充忠直奉法
不阿所言中意充出逢館陶長公主行馳道中充呵問
之公主曰有太后詔充曰獨公主得行車騎皆不得盡
劾沒入官後遷為水衡都尉

江充傳

四年夏四月幸不其

音基

祠神人於交門宮若有鄉坐拜

者作交門之歌秋七月趙有蛇從郭外入邑與邑中蛇

羣鬪孝文廟下邑中蛇死

本紀

征和元年光祿大夫公孫遺守少府

百官表

樓蘭王死國

人來請質子在漢者欲立之質子常坐漢法下齏室宮

刑故不遣報曰侍子天子愛之不能遣其更立其次當

立者樓蘭更立王漢復責其質子亦遣一子質匈奴

西域

傳

二年春正月有司案驗公孫賀窮治所犯遂父子死獄

中賀傳涿郡鐵官鑄錢鐵銷皆飛上去

五行志

三月丁巳制

詔御史故丞相賀倚舊故乘高執而為邪興美田以利子弟賓客不顧元元無益邊穀貨賂上流朕恐之久矣終不自革廼以邊為援使內郡自省作車又令耕者自轉以困農煩擾畜者重馬傷耗武備衰減下吏妄賦百姓流亡又詐為詔書以姦傳朱安世獄已正於理以涿

郡太守劉屈氂為左丞相

考異曰漢書百官表云四月壬申丞相賀下獄五月丁巳

屈氂為左丞相荀紀載春正月賀死三月丁巳屈氂相二書不同按漢書本紀載賀死於正月五行志載屈氂相於三月史記將相名臣表亦云三月丁巳又屈氂傳載拜相詔曰征和二年春制詔御史皆與荀紀合疑百

官表誤今從荀紀

分丞相長史為兩府以待天下遠方之選夫

親親任賢周唐之道也以澎湖二千二百封左丞相為

澎湖

屈覺傳

初公孫敖擊匈奴至余吾亡士多下吏當斬

詐死亡居民間至是覺復繫坐妻為巫蠱族

教傳異曰漢書

本紀書太始元年春正月因杆將軍教有罪要斬荀紀通鑑據此皆載於太始元年按衛霍傳云教擊匈奴至余吾亡士多下吏當斬詐死亡居民間五六歲後覺復繫坐妻為巫蠱族教既衛氏黨所坐巫蠱必與曹宗衛仇事相連同誅是時去余吾之戰已五六年矣當以初傳為正故呂氏大事記據傳載於征和二年今從之初

上晚得戾太子甚愛之及長上嫌其材能少不類已會

女巫往來宮中教美人度厄埋木人祭祀之上乃使江充入宮掘地求蠱充云於太子宮得木人尤多太子懼

斬江充發兵與丞相劉屈氂戰

考異曰呂氏解題曰通鑑引漢武故事諸書載

其始末甚詳如言是時方士及諸神巫多聚京師率皆左道惑衆女巫往來宮中教美人度厄每屋輒埋木人祭祀之因妬忌恚詈更相告訐以為祝詛上心既以為疑因是體不平此理之必然蓋可信也如載太子曰吾人子安敢擅誅不如歸謝幸得無罪太子將往之甘泉而江充持太子甚急太子計不知所出遂從石德計蘓文亡歸甘泉說太子反狀上曰太子必懼又忿充等故有此變乃使使召太子使者不敢進歸報云太子反已成欲斬臣臣逃歸上大怒以漢書攷之戾太子傳載石德畫捕充之策止云太子急然德言而已未嘗有自歸

謝罪之說也江充特陽聲言太子宮得木人帛書當奏聞耳非敢如獄吏治庶僚禁止其朝謁也藉使充果持太子急太子尚不得往甘泉亦何由能發兵乎劉屈氂傳載太子發兵入丞相府丞相長史乘疾置以聞上怒曰丞相無周公之風矣周公不誅管蔡乎長史既乘疾置必先蘓文至甘泉武帝聞變之始其怒如此必不能諒太子之無他而遣使召太子兵敗南奔覆盎城門武

事也此皆非事實今不取
太子兵敗南奔覆盎城門武

舉兵謀反開陵侯建祿舍太子所私幸女子皆要斬

侯表

吏士劫略者皆徙敦煌郡以太子在外始置屯兵長安

諸城門

屈氂傳

按百官表城門校尉掌京師城門屯兵有司馬十二城門候水經注云東出北頭第

一門名宣平門亦曰東城門其郭門曰東都門即逢萌掛冠處也第二門名清明門亦曰凱門又曰籍田門第三門名霸城門又曰青城門南出東頭第一門名覆盎門亦曰下杜門又曰端門第二門名安門亦曰鼎路門第三門名平門北對未央宮西出南頭第一門名章門亦曰光畢門又曰便門第二門名直門又曰龍樓門第三門名西城門亦曰雍門又曰函里門北出西頭第一門名橫門其外郭有都門有棘門第二門名洛門亦曰朝門第三門名杜門亦曰利城門凡此諸門皆通達九達三途洞開隱以金推周以林木左出右入為塗之經行者升降有上下之別

上怒甚羣下憂懼不知所出壺關三老茂

上書曰臣聞父者猶天母者猶地子猶萬物也故天平地安陰陽和調物乃茂成父慈母愛室家之中子迺孝

順陰陽不和則萬物夭傷父子不和則室家喪亡故父
不父則子不子君不君則臣不臣雖有粟吾豈得而食
諸昔者虞舜孝之至也而不中

竹仲反

於瞽瞍孝已被謗

伯奇放流骨肉至親父子相疑何者積毀之所生也由
是觀之子無不孝而父有不察

按庾太子傳此下有今
皇太子為漢適嗣一段

叙庾太子及江充等事
此本不載文義未明

臣聞子胥盡忠而忘其號比干

盡仁而遺其身忠臣竭誠不顧鈇鉞之誅以陳其愚
在匡君安社稷也詩云取彼譖人投畀豺虎唯陛下寬

心尉意少察所親臣不勝惓惓出一旦之命待罪建章

闕下書奏天子感寤然尚未顯言赦之也

考異曰荀紀以為令狐茂

漢武故事以為鄭茂二者不同漢書不載姓今從之故事又云茂上書上感寤赦反者拜鄭茂為宣慈校尉持節徇三輔赦太子太子欲出疑弗實吏捕太子急太子自殺溫公云是時上若赦太子當詔吏勿捕此說恐妄故通鑑削去止云書奏天子感寤然尚未顯言赦之也今從通鑑

八月辛亥吏圍捕太

子太子自度不得脫即入室距戶自經

庚太子傳本紀

巫蠱之

禍起自朱世安成於江充遂及公主皇后太子皆敗

公孫

賀傳

班固贊曰巫蠱之禍豈不哀哉此不惟一江充之辜亦有天時非人力所致焉建元六年蚩尤之旗

見其長竟天後遂命將出征而戾太子生

考異曰班氏本

文云建元六年蚩尤之旗見其長竟天後遂命將出征略取河南建置朔方其春戾太子生按建元六年長星見元朔元年戾太子生蓋相去七年矣又元朔二年始置朔方乃在太子既生之後一歲此贊殊為乖誤今微為刪潤云自是師行三十年兵所誅屠夷滅

死者不可勝數及巫蠱事起京師流血僵尸數萬

太子父子皆敗故太子生長於兵與之終始何獨

一嬖臣哉故曰兵猶火也弗戢必自焚信矣是以
倉頡作書止戈為武聖人以武禁暴整亂止息兵
戈非以為殘而興縱之也

衛太子敗燕王旦自以次第當立使使上書求入宿衛
帝見其書擊地怒曰生子當置之齊魯禮義之鄉乃置
之燕趙果有爭心不讓之端見矣於是即斬其使者於
闕下後坐藏匿亡命削良鄉安次文安三縣帝由是惡

旦

燕王傳褚先生補史記

三年春正月時右輔都尉王訢守右扶風上數過扶風

宮館馳道修治供

居用反

張

竹亮反

辦上嘉之駐車拜訢為

真

王訢傳百官表

三月遣貳師將軍廣利將七萬人出五原御

史大夫商邱成二萬人出西河重合侯馬通四萬騎出

酒泉成至浚稽山與虜戰多斬首通至天山虜引去因

降車師皆引兵還貳師與虜戰乘勝追至范夫人城聞

其家以巫蠱族滅因并衆降匈奴

按原本脫三月以下至此下文廣利降匈奴

奴事首尾不具今從本紀匈奴傳補入

是歲漢兵之出擊匈奴者不得言

功多少功不得御有詔捕太醫令隨但言貳師家室族

滅使廣利得降匈奴

史記匈奴傳

初李夫人蚤卒上憐憫焉

以后禮葬後復以兄廣利為貳師將軍及廣利降匈奴

家族滅矣

李夫人傳

自貳師沒後漢新失大將軍士卒數萬

人不復出兵

匈奴傳

九月故城父令公孫勇與客胡倩等

謀反倩詐稱光祿大夫從車騎數十言使督盜賊鄭人

田廣明為淮陽太守覺知發兵皆捕斬焉而公孫勇衣

繡衣乘駟馬車至圍圉使小史侍之亦知其非是守尉

魏不害與廐嗇夫江德尉史蘇昌共收捕之上封不害

為當塗侯德輅

音遼

陽侯昌蒲侯初四人俱拜於前小史

竊言上問言何對曰為侯者得東歸不上曰女欲不貴

矣女鄉名為何對曰名遺鄉上曰用遺女矣於是賜小

史爵關內侯食遺鄉六百戶

田廣明傳本紀

高寢郎長陵田千

秋上急變訟太子寃上憐太子無辜乃作思子宮為歸

來望思之臺於湖天下聞而悲之

田千秋成太子傳

班固曰易曰天之所助者順也人之所助者信也

君子履信思順自天祐之吉無不利也故田千秋
指明蠱情彰太子之冤千秋材知未必能過人也
以其銷惡運遏亂原因衰激極道迎善氣傳得天
人之祐助云

四年二月丁酉雍縣無雲如靄者三或如虹氣蒼黃若
飛鳥集棧陽宮南聲聞四百里隕石二黑如鬣有司以

為美祥以薦宗廟

郊祀志
本紀

夏六月丁巳以大鴻臚田千秋為

丞相

百官表

後漢使者至匈奴單于問曰聞漢新拜丞相

何用得之使者曰以上書言事故單于曰苟如是漢置丞相非用賢也妄一男子上書即得之矣使者還道單于語帝以為辱命欲下之吏良久廼貫之然千秋為人敦厚有智居位自稱踰於前後數公初千秋始視事見上連年治太子獄誅罰尤多羣下恐懼思欲寬廣上意尉安衆庶廼與御史中二千石共上壽頌德美勸上施恩惠緩刑罰玩聽音樂養志和神為天下自虞樂上報曰朕之不德自左丞相與貳師陰謀逆亂平蠱之禍流

及士大夫朕日一食者累月廼何樂之聽痛士大夫常在心既事不咎雖然巫蠱始發詔丞相御史督二千石求捕廷尉治未聞九卿廷尉有所鞫也曩者江充先治甘泉宮人轉至未央椒房以及敬聲之疇李禹之屬謀入匈奴有司無所發今丞相親掘蘭臺蠱驗所明知也至今餘巫頗脫不止陰賊侵身遠近為蠱朕媿之甚何壽之有敬不舉君之觴謹謝丞相二千石各就館書曰毋偏毋黨王道蕩蕩毋有復言

千秋傳

帝初通西域置校

尉屯田渠犂是時軍旅連出師行三十二年海內虛耗
及貳師以軍降匈奴上既悔遠征伐而搜粟都尉桑宏
羊與丞相御史奏言故輪臺以東捷枝渠犂皆故國地
廣饒水草有溉田五千頃以上處溫和田美可益通溝
渠種五穀與中國同時熟其旁國少錐刀貴黃金采繒
可以易穀食宜給足不可乏臣愚以為可遣屯田卒詣
故輪臺以東置校尉三人分護各舉地圖形通利溝渠
務使以時益種五穀張掖酒泉遣騎假司馬為斥候屬

校尉事有便宜因騎置以聞田一歲有積穀募民壯健
有累重敢徙者詣田所就畜積為本業益墾溉田稍築
列亭連城而西以威西國輔烏孫為便臣謹遣徵事臣
昌分部行邊嚴敕太史都尉明烽火選士馬謹斥候蓄
芟草願陛下遣使使西國以安其意臣昧死請上廼下
詔深陳既往之悔曰前有司奏欲益民賦三十助邊用
是重困老弱孤獨也而今又請遣卒田輪臺輪臺西於
車師千餘里前開陵侯擊車師時危須尉犂樓蘭六國

子弟在京師者皆先歸發畜食迎漢軍又自發兵凡數萬人王各自將共圍車師降其王諸國兵便罷力不能復至道上食漢軍漢軍破城食至多然士自載不足以竟師强者盡食畜產羸者道死數千人朕發酒泉驃橐駝負食出玉門迎軍吏卒起張掖不甚遠然尚廝留甚衆今請遠田輪臺欲起亭隧是擾天下非所以優民也今朕不忍聞大鴻臚等又議欲募囚徒送匈奴使者明封侯之賞以報忿五伯所弗能為也且匈奴得漢降者

常提掖搜索問以所聞今邊塞未正闌出不禁障候長
吏使卒獵獸以皮肉為利卒苦而烽火乏失亦上集不
得後降者來若捕生口虜廼知之當今務在禁苛暴止
擅賦力本農修馬復令以補缺毋乏武備而已由是不
復出軍而封丞相田千秋為富民侯以明休息思富養
民也

西域
傳

班固曰孝武之世圖制匈奴患其兼從

子容反

西國

結黨南羌廼表河曲列西郡開玉門通西域以斷

匈奴右臂隔絕南羌月氏單于失援由是遠遁而

幕南無王庭遭值文景元默養民五世天下殷富

財力有餘士馬強盛故能睹犀布璫音璫瑁音瑁則建

珠崖七郡感枸音枸醬竹杖則開牂柯越舊聞天馬

蒲萄則通大宛安息自是之後明珠文甲通犀翠

羽之珍盈於後宮蒲梢所交反龍文魚目汗血之馬

充於黃門鉅象師子猛犬大雀之羣食於外囿殊

方異物四面而至於是廣開上林穿昆明池營千

門萬戶之宮立神明通天之臺興造甲乙之帳落
以隨珠和璧天子負黼依襲翠被馮玉几而處其
中設酒池肉林以饗四夷之客作巴俞都盧海中

碣

徒浪反

極漫衍魚龍角抵之戲以觀視

讀曰示

之及

賂遺贈送萬里相奉師旅之費不可勝計至於用

度不足廼榷酒酤筦鹽鐵鑄白金造皮幣筭至車

船租及六畜民力屈

其勿反

財用竭因之以凶年寇

盜並起道路不通直指之使始出衣繡杖斧斷斬

於郡國然後勝之是以末年遂棄輪臺之地而下
哀痛之詔豈非仁聖之所悔哉

以趙過為搜粟都尉過能為代田一畝三畦工犬反歲代

處故曰代田古法也后稷始畦田以二耜為耦廣尺深

尺曰畦長終畝一畝三畦一夫三百畦而播種於畦中

苗生葉以上稍耨隴草因隴音類其土以附苗根故其詩

曰或芸或耔黍稷擬擬音擬芸除草也耔附根也言苗稍

壯每耨輒附根比必寐反盛暑隴盡而根深能耐讀曰耐風與

旱故疑疑而盛也其耕耘下種田器皆有便巧率十二夫為田一井一屋故晦五頃用耦犂二牛三人一歲之收常過縵

莫幹反

田晦一斛以上善者倍之過使教田太

常三輔大農置工巧奴與從事為作田器二千石遣令

長三老力田及里父老善田者受田器學耕種養苗狀

民或苦少牛無以趨澤故平都令光教過以人輓

音晚犂

過奏光以為丞教民相與庸輓犂率多人者田日三十

晦少者十三晦以故田多墾闢過試以離宮卒田其宮

壩

而緣反

地課得穀皆多其旁田晦一斛以上令命家田

三輔公田又教邊郡及居延城是後邊城河東宏農三

輔太常民皆便代田用力少而得穀多

食貨志

秋八月辛

酉晦日有食之不盡如鉤

本紀荀紀

考異曰荀紀作七月漢書作八月按長歷是

年九月壬戌朔言八月是也

是歲初置司隸校尉持節從中都官徒

千二百人捕巫蠱督大姦猾後罷其兵察三輔三河宏

農

百官表

大鴻臚戴仁坐祝詛誅上以淮陽太守田廣明

連禽大姦徵入為大鴻臚

百官表廣明傳

匈奴單于遣使遺漢

書云南有大漢北有彊胡胡者天之驕子也不為小禮
以自煩今欲與漢闔大關娶漢女為妻歲給遺我麩酒
萬石糴米五千斛雜繒萬匹它如故約則邊不相盜矣
漢遣使者報送其使單于使左右難漢使者曰漢禮義
國也貳師道前太子發兵反何也使者曰然廼丞相私
與太子爭鬪太子發兵欲誅丞相丞相誣之故誅丞相
此子弄父兵當答小過耳孰與冒頓單于身殺其父代
立常妻後母禽獸行也單于留使者

匈奴傳

後元元年夏六月御史大夫商邱成坐祝詛自殺

本紀百官

表考異曰功臣表云邱成坐為詹事侍祠孝文廟醉歌堂下日出居安能鬱鬱大不敬自殺百官表云坐祝詛成不為詹事功臣表誤也今不取按百官表商邱成以征和二年九月為御史大夫此本於此處書邱成自殺而征和二年不書為御史大夫日月疑有脫誤是歲京兆尹建坐祝詛要斬

百官表漢興功臣子孫訖于後元之年靡有子遺耗矣

漢書

功臣表序

二年春二月丁卯以奉車都尉光祿大夫霍光為大司馬大將軍駙馬都尉光祿大夫金日磾為車騎將軍太僕

上官桀為左將軍以太僕并左將軍

百官表

搜粟都尉桑

宏羊為御史大夫皆拜牀下與田千秋俱受遺詔輔少

主

荀紀

上官桀始為羽林期門郎從帝上甘泉天大風車

不得行解蓋授桀桀奉蓋雖風常屬車雨下蓋輒御上

奇其才力遷未央廐令

外戚傳

丁卯帝崩上尊號曰考武

皇帝

荀紀

大將軍霍光緣上雅意以李夫人配食追上尊

號曰孝武皇后

李夫人傳

班固贊曰漢承百王之弊高祖撥亂反正文景務

在養民至于稽古禮文之事猶多闕焉考武初立
卓然罷黜百家表章六經遂疇咨海內舉其俊茂
與之立功興太學修郊祀改正朔定歷數紹周後
號令文章煥焉可述後嗣得遵洪業而有三代之
風如武帝之雄材大略不改文景之恭儉呂濟斯
民雖詩書所稱何有加焉

考異曰如罷黜百家表章六經舉俊茂興太學

修郊祀改正朔定歷數紹周後此皆其可述者也
至於協音律作詩樂建封禪禮百神徒為紛紛耳

今刪去
此四語